

類

說

類說目錄卷之五十五

玉壺清話

上問呂溱安否

星名周伯

李建中詩

謝靈運托生爲邊鎬

選純孝三士談經

范杲進詩

西齋潤筆

五子登科

房相蒼頭

城隍督修夷陵縣宇

楊大年作詩預宴

懷玉山人

同甲同休

保守門閥

洒水發願文

王禹偁詩表

李韓書詞

逞藝傷生

御屏書楊徽之十聯

茂直免死

鄂都觀主

君臣隆替有限

賜錢償逋

水壺先生

治烏髭牢齒歌

治殺生獄

咎太尉知人

太祖討蜀

花項漢爲天子

水銀知制誥

射覆

四夷來王賦

元厚之詩

雜說

魯魯公帖
陳希夷戒種放

党進掉書袋

父爲所由

唐酒價

奏按中名次公者

落弟紫微揀停殿院

邵父陳母

夢六印懸劍鋒

太宗問蟬字

胡旦取珍器貸金

養民寡欲

西河急奏

太祖誅譖者

高陽閔奏

陶穀鸞膠曲

冷齋夜話

改易古詩

二禽名

橫陳

奪胎換骨法

李格非論文

小兒擊甕旨

秀閨西語

象外句

滿城風雨近重陽

十四字師號

竹詩

崑體

持碁謎

沒浩蕩

張天覺草書

東坡詩

太祖遠略

丁晉公詩

崔徽頭子詞

薦福寺碑

謝無逸詩

荆公詩

荀名稚子

北征詩

長主挽詞

四家詩

漁網石上詩

墨梅

吳城龍女

牡丹偈

白樂天詩

東坡詞

華亭卮子和尚偈

老杜詩

李元膺詞

石曼卿墜馬

道人肝臟饅頭

坡谷秦三宮詩

大酒清話

惠花酒詩

竊詩

陳亞及第

平似稱明似鏡

孫山得解

講易

嘲任轂詩

教坊進口號

羊雪二詩

皮歸相嘲

臘月養蚕

陳亞詩

賀四廂太保啓

觀君風采必不甚高

送客詩

假蝗蟲

宣水

亂寫試卷

孔門上哲

對屬

末厥

二書生賦詩

漁樵閑話

老忠化虎

玉樹曲

隱娘教習擊刺之法

衡山老虎

類說目錄卷之五十五

類說卷之五十五

宋溫陵曾

慥

編

明新野馬之騏叅閱

山陽岳鍾秀訂正

玉壺清話

上問呂溱安否

熙寧初呂溱尹京上殿府推官周約隨後上

忽問曰卿體中安否對曰無事湏臾又問卿

果無恙曰臣不敢強時呂公容采無少虧將

退又問約曰卿見呂溱如何對曰以臣觀溱

似亦無事呂出殿門深疑整巾拂面索鏡自
照問周曰公果見漆如何曰龍圖無自疑容
采安靜後數日果感疾不起以此知聖明非
凡見可及也

星名周伯

景德二年有巨星見於天氏之西光芒如金
丸無有識者春官正周克明言按天文錄荆
州占其星名周伯譖其色金黃其光煌煌所見
之國太平而昌又按元命包義曰德星時瀆

淵凱旋六合平定宜此星之見

李建中詩

李建中能書草隸爲詩清淡如其人有杭州
望湖樓詩云小艇閑撐處湖天景亦微春波
無限綠白鳥自由飛落日孤汀遠輕烟古寺
稀時携一壺酒到戀晚涼歸西湖詩云漲烟
春氣重貯月夜痕深每喜誦楞嚴經四句云
將聞持佛 何不自聞聞復翳根除塵消覺
圓淨凡起居皆咏之

謝靈運託生爲邊鎬

江南邊鎬初生其父忽夢謝靈運持刺來謁
自稱前永嘉守修髯秀采骨清神竦所披衣
中輕若烟霧曰欲託君爲父子頃寄浙西飛
來峯翻譯金剛經有未合佛旨處願生君家
刊正慎勿以葷羶啖我七歲放我出家爲僧
以畢前經夢訖鎬生貌類夢中者父愛之小
字康樂成童聰敏堅求出家其父不允以葷
迫之及冠強爲娶後嗣主愛其博雅累用之

而柔懦寡斷惟好釋氏初從軍平建州惟務
全活人號邊羅漢及充湘潭號邊菩薩及帥
潭政出多門絕無威斷楚人失望人號邊和
尚

選純孝三士談經

真宗喜談經一日命馮元談易曰朕欲選純
孝之士三人便裘頂帽橫經並坐暇則薦茗
果盡談論削去進說之儀元薦查道李虛已
李行簡三人真宗立召俾陪侍喜曰朕得明

矣

范果進詩

太宗收并州凱旋范果爲縣令進詩有千里
版圖來浙右一聲金鼓下河東之句

西齋潤筆

李翰於和凝榜及第後與座主同任學士凝
作相翰爲承旨適當批詔次日於玉堂輒開
和相舊閣悉取圖畫器玩留詩云座主登庸
歸鳳閣門生批詔主黿頭玉堂舊閣多玆玩

可作西齋潤筆不

五子登科

竇禹鈞生五子儀侃僈儼侗 相繼登科馮

瀛王贈禹鈞詩云靈椿一樹老丹桂五枝芳
房相蒼頭

石熙載少時於嵩陽道中遇一叟曰真太平
宰相也吾幼爲唐相房玄齡檢書蒼頭公酷
似房公仍囑曰善事真主語訖卽滅後爲太
宗掌書記踐祚七年拜平章事

城隍督修夷陵縣宇

寶元初宋正基知峽州一夕夢一吏云城隍神遣某督修夷陵縣廨宇不宜後時連三夕夢之明日報歐陽永叔謫夷陵令宋感其夢待之特異歐公益事謙謹每稟白必歛板於庭俟宋入門先降階接之

楊大年作詩預宴

楊大年二十一爲光祿丞三月後苑曲宴公不得預以詩贈館職曰聞戴宮花滿鬢紅上

林絲管侍重瞳蓬萊咫尺無因到始信仙凡
迥不同上聞卽日直集賢院令預晚宴

懷玉山人

楊大年祖文逸仕後唐玉山令有道士來謁
稱懷玉山人斯湏不見大年遂生後年三十
七爲學士晝寢玉堂夢道士稱懷玉山人袖
出一牒寫三十七字大年驚曰得非數乎道
士微咲又曰可添乎道士命筆止添一紀爲
四十九至其數果卒

同甲同休戚

李濬與李宗諤同宗同甲後一日而生平日
休戚一同宗諤死濬後一日卒

保守門閥

真宗謂李宗諤曰國朝將相之家世緒不墜
相惟昉將惟曹彬爾聞卿家尤更雍穆有法
朕惟二聖基業亦如卿家保守門閥

泗水發願文

李宗諤奏汴渠流尸蔽河而下暴露灘渚上

測然御製泗水發願文勅勒石於淮亭歲給
錢百緡修齋醮各七日官給錢收瘞御製畧
云嗟乎灘磧之上競食者烏鳶島渚之間爭
食者魚鱉汝等孽非他造殃盡自始仕官者
怙勢以凌民爲民者欺心而冒法伏茲浣滌
各遂起騰悟諸佛本空之原體太上真虛之
理

王禹偁詩表

王禹偁嘗作二黜賦以見志後知制誥忤時

相出知黃州蘓易簡榜下放孫何等進士三百餘人奏曰禹偁禁林宿儒累爲遷客臣欲令榜下諸生送于郊奏可之禹偁作詩謝曰綴行相送我何榮老鶴乘軒愧谷鶯三入承明不知舉看人門下放諸生時交親循時好惡不敢迎近獨竇元賓執手泣於閣門曰天乎得非命耶公後以詩謝曰惟有南京竇員外爲予垂淚閣門前至郡未幾二虎鬪於境一死郡鷄夜鳴冬雷而雹司天奏守土者當

其咎卽命徙蘄謝表曰宣室鬼神之間不望
生還茂陵封禪之文止期身後閤月而卒太
宗嘗戒曰卿聰明文章不下韓柳但剛不容
物人多沮卿使朕難芘

李韓書詞

李穀與韓熙載早同筆硯分携約曰各以才
命選其主穀顯德中仕周爲平章事熙載仕江
南李先主爲光政殿學士熙載貽穀書曰江
南果相我長駟以定中原穀答曰中原苟相

我下江南如探囊中物耳後果作相親征江
南而熙載已卒

逞藝傷生

仁宗讀五代史至周太祖臨水引弓射兩鳧
一發疊貫從臣稱賀上掩卷曰逞藝傷生非
朕所喜也內臣鄭昭信掌內應十五年常戒
曰動活之物不得擅烹深惡於殺也

御屏書楊徽之十聯

楊徽之太宗聞其詩名盡索所着選集中十

聯書於御屏

茂直免死

張茂直少買瓜於圃翁倚鋤睨曰子非久當
斷頸下刃之際稍速則死稍緩則生果獲免
必享富貴無何慕容彥超據兗例駟守埤周
師破敵擁城者例斬至茂直挾刃者曰汝髮
甚修鬢惜爲頸血所污可先斷之茂直徐理
髮得免後爲知制誥

酆都觀主

王顯少爲太宗給侍赤脚道者相曰此兒須
爲將相但無陰德耳及長太宗曰爾非儒家
全寡學問他日富貴不免面牆取軍戒三篇
令誦之咸平中出師定州便宜從事忽道士
通謁自稱鄴都觀主笑則口角至耳亂髮若
剛鬣謂曰昨日上帝牒番魂二萬至本觀死
於公手公果殺之則功冠於世然減算十二
年二端請裁之顯謂風狂叱起後數日契丹
引數萬騎獵于威勝軍境顯引兵襲擊大破

之斬二萬級露布至闕召爲樞相數稔而卒
君臣隆替有限

劉昌言太宗時爲起居郎善捍闔以迎主意
未幾以諫議知密院君臣之會隆替有限一
旦上眷忽解曰劉某奏對皆操南音朕理會
一字不得

賜錢償逋

李文靖公沆初知制誥太宗知其窮多負人
息錢曰沆爲一制誥俸入幾何豈暇償逋耶

特賜錢百萬令償之後爲相當太平無一事
凡封章建議更張悉屏之謂所親曰無以報
國用安黎庶耳

冰壺先生

太宗命蘓易簡講文中子有楊素遺子食經
羹藜含糗之說上因問食品何物最珍對曰
物無定味適口者玆臣止知薑汁爲美臣憶
一夕寒甚擁爐痛飲夜半吻燥中庭月明殘
雪中覆一壘益連咀數根臣此時自謂上界

仙厨鸞脯鷺胎殆恐不及屢欲作水壺先生
傳記其事因循未暇也上笑而然之

治烏髭牢齒歌

張師正年五十齒已踈搖後十餘年巨齧大
裁利若刀截嘗得藥方叙曰元亨在天聖中
登岳頂至明星館故基下得斷碑彷彿有古
文乃治口齒烏鬚藥歌一首曰猪牙皂角及
生薑西國升麻蜀地黃木律旱蓮槐角子細
辛荷蒂剪荷葉
心子也要相當青鹽等分同燒煨研

細將來使最良措齒牢牙髭髮黑誰知世上
有仙方

治殺生獄

邵倅關蔚宗鏤板印觀音像王元懌待制撰
文云都官鞏彥輔夢兩緋衣召入大府有紫
衣當案者此王也廡下以沙盆剔囚目研之
餘斷腕截耳不可類有頃一官至訶鞏解衣
鞏自陳有官無罪官怒曰此治殺生獄豈問
官耶鞏窘呼觀音名號囚者皆和而殘者完

繫者釋鞏乃蘓

咎太尉知人

咎居潤太尉不識字每案牘以左手持巨筆
畫一長畫雖狡吏善詐摹之必敗沈倫在幕
府常曰沈推官行步端重如履廟堂必爲宰
相力薦於太祖後果作相沈以咎不知書其
子孫皆召於家庭建學教如已子以報其知
人之德也

太祖討蜀

太祖採聽明遠有自蜀來者問曰劍外有何事對曰但聞城郭皆誦苦熱詩曰煩暑鬱蒸無處避涼風清冷幾時來上曰蜀民思吾之來也時已下荆楚孟昶有唇亡齒寒之懼而西討無名昶遣蠟丸間道往太涼結劉鈞爲援爲朝廷所獲太祖曰興師有名矣命王全斌討之執昶赴闕大將王仁贍先歸乞見恐其惡暴露歷數全斌等貪財瀆貨太祖笑曰納李廷珪妓擅開豐德庫取金寶此又誰耶

仁贍惶怖上曰此行清介畏慎者止曹彬一人耳臺臣請深治征蜀諸將士盡釋之

花項漢爲天子

魏人柴翁有女在唐莊宗掖庭明宗入洛遣出宮父母迎之奩具計直千萬分半與父母令歸曰兒見郵舍隊長黝色花項雀形者極貴人也願事之父母不能奪問之乃郭威也一日謂郭曰君貴不可言妾有貲五百萬願奉君以發其身周祖因其貲得爲軍司柴翁

知冥間事一日忽大笑妻問之但笑不止因
飲以酒極醉乃曰花項漢將爲天子

水銀知制誥

夏侯嘉正太宗時爲正言直館喜丹竈嘗曰
使我得水銀銀半兩知制誥一日平生足矣
二願俱不遂而卒

射覆

丁文果善射覆太宗置一物器中文果曰蘄
蘄華華山中採花雖無官職一日兩衙啓之

乃蜂也又取一物令射文果曰有頭有足不
石卽玉欲要縮頭不能入腹乃壓書石龜也
四夷來王賦

錢熙泉人進四夷來王賦太宗擢爲館職有
司請試上曰試官前進士趙某親自選中

元厚之詩

元厚之文詞老而不衰懷荆南舊遊云去年
曾醉海棠叢聞說新枝發舊紅昨夜夢回花
下飲不知身在玉堂中

雜說

曾魯公

曾魯公年垂八十筆力尚壯曾子宣謫守番陽手簡云扶搖方遠六月不息消長以道七日自當來復

陳希夷戒种放

陳搏隱華山幼時戲渭水一青衣媪抱至懷中乳之曰令汝更無嗜欲聰悟過人先生嘗戒門人种放曰子他日遭逢明主名動天闕

名者古今美器造物者深忌之天地間無完
名子名將有物敗之放晚節侈飾過度營產
滿雍鎬間遂喪清節

黨進掉書袋

黨進不識一字朝廷遣防秋於高陽辭日須
欲致詞問門曰太尉邊臣不須如此進性强
狠堅欲致之進搢前跪多時不能道一字忽
仰面瞻上表厲聲曰朕聞上古其風朴畧願
官家好將息仗衛掩口後左右問曰太尉何

故念此兩句進曰我常見措大愛掉書袋我亦掉兩句要得官家知我讀書

父爲所由

凌策侍郎其父曾爲鎮所由策方成童父携拜安鴻漸乞立一名鴻漸滑稽輕薄因命名曰教之蓋言所由生也策後長立頗銜之

唐酒價

真宗嘗問近臣唐酒價幾何無能對者丁晉公曰每升三十上曰何以知之曰杜甫詩云

速來相就飲一斗檢有三百青銅錢是知一
升三十也

奏案中名次公者

梁適隨判院盧南金上殿奏案中有名次公
者仁宗問曰因何名次公南金以明法不能
對適曰漢黃霸字次公上曰卿是何人曰詳
議官梁適又問那個梁家曰祖顥父固俱中
甲科上曰恠卿面貌酷似梁固他日適奏曰
臣父祖頃事太宗真宗不知陛下何以知之

上曰天童閣有名臣頭子朕觀之甚熟適後
除記注知制誥至翰林學士除目皆出御批
不十年至台輔筆談載公事乃龐莊敏

落第紫微揀停殿院

張去華甲科直館越取上言知制誥張澹盧
多遜殿院師頑詞學荒淺願校優劣太祖立
召澹輩臨軒重試委陶穀考較上選多遜入
格餘並黜之時諺謂澹爲落第紫微頑爲揀
停殿院去華除右補闕士論短之後十六年

不遷反不逮平進者談苑亦載

邵父陳母

邵燁知廣州鑿內河以泊舟楫不爲颶風所
害陳世卿代之奏乞免本州計口買鹽之害五
羊之民始有衣食廣人歌曰邵父陳母除我
二苦

夢六印懸劍鋒

張乖崖鎮益屢乞代王文正奏除凌策少嘗
夢人以六印懸劍鋒以授之後在劍外凡六

任

太宗問蟬字

凌策辟楊蟬爲益倅奏名上太宗不識蟬

音尋

字詔問立名之因奏曰先臣命之不知其由
兄蚡弟蛭盡旁虫今已孤不敢輒更上曰蟬
有何義曰臣聞出羽陵蠹書曰白魚虫也上
曰古人名字以日月山川隱疾尚恐稱呼有
碍今以細碎微類例名其子何謂也御筆特
去虫止賜名覃

胡旦取玳瑁器貸金

胡旦大監出知明州同年董儼給事知揚州延留甚歡入後館出妓侍宴豆皆上方玳瑁器旦曰人生會合難得來日能枉駕敝舟數盃可乎又曰珍器家貧未識可畧假借夸示妻孥董以具奩盡貯送舟中明日五更不告而行至餘杭薛映大諫亦榜下生也首問過維楊見董同年否旦曰望之材器英邁奇男子也然止是性貪一日旦謂映曰貸二千緡創

鑑湖別墅鄞麾纔罷便當謝病扁舟釣於越
溪薛不得已贈白金三百星後知制誥王繼
恩平蜀以銀數千兩賂旦託爲褒詔事敗旦
貶潯州便殿賜玦

養民寡欲

王昭素學行高世鰥居絕欲四十年顏如渥
丹太宗召至

坐講乾卦至九五

飛龍在天整巾稽首改容而說曰此文正陛
下今日留禁中月餘上詢治世養身之術昭

素曰治世莫若養民養身莫非寡欲上書其
語于御屏

西河急奏

慶曆中王師失律於西河數大將陷虜急奏
至已旬日大臣固緩之上因御化成殿老卒
擁箒嘆曰可惜劉太尉上恠問之對曰官家
豈不知劉太尉與五六大將一時殺了卽解
衣帶書進呈曰臣之營州西虎翼一營盡析
臣壻亦沒此書家人急報也上急召執政視

之大臣始奏得報未審候旦夕得其詳方奏
乞寬聖慮上厲聲曰事至如此猶言乞寬聖
慮卿忍人也宰相因乞骸骨

太祖誅潛者

開寶中或奏太祖曰晉王天日姿表恐物情
附之爲京尹肆意不戢吏縱法以結豪俊陛
下當圖之上怒曰朕與晉弟雍睦起國和孝
相保他日欲令管勾天下公事小人敢離我
手足亟令誅之

高陽關奏

太宗嗣位高陽關奏妖氣夜起橫亘北陸邊
情頗搖上召向敏中議之向奏曰崔翰領節
高陽恃功恣橫陛下宜召還誅之以壓妖氣
上曰是何言歟翰以其能拔於行伍遂建節
旄料渠不肯孤朕也上遣一詞臣宣撫慰勞
而已妖祲自消邊心亦寧

陶穀鸞膠曲

國初朝廷遣陶穀使江南以假書為名實使

覘之丞相李穀以書抵韓熙載云五柳公驕甚其善待之穀至果如李所言熙載曰陶秀實非端介者其守可隳因令留宿俟寫六朝書畢館留半年熙載遣歌兒秦弱蘭詐爲驛卒之女敝衣竹釵擁箒洒掃穀見之而喜遂犯慎獨之戒作小闋贈之後數日李主宴于清心堂命玻璃巨鍾滿酌之穀毅然不顧出蘭於席歌前闋以侑之穀大慚倒載吐茵尚未許罷大爲李主所薄詞名風光好云好姻

緣惡姻緣只得郵亭一夜眠別神仙琵琶撥
盡相思調知音鮮待得鸞膠續鳳絃是何年逮歸京
師鸞膠之曲已喧因是卒不大用

冷齋夜話

改易古詩

温公曰魏野詩云燒葉爐中無宿火讀書窻
下有殘燈俗人易葉爲藥魯直曰老杜詩云
黃獨無苗山雪盛黃獨者芋魁小者耳俗人
易爲黃精如淵明詩悠然見南山俗人易曰

望南山

二禽名

退之詩云喚起窻全曙催歸日未西魯直云
二禽名也催歸子規也喚起聲如絡絲圓轉
清亮偏於春曉鳴江南謂之春喚

橫陳

王荆公曰紅紫無葉芘華身黃菊分香委路
塵歲晚蒼官纔自保日高青女尚橫陳又曰
木落岡巒因自獻水歸洲渚得橫陳山谷曰

自獻橫陳事見相如賦楞嚴經亦曰於橫陳
時味如嚼蠟

奪胎換骨法

黃魯直云詩意無窮人才有限以有限之才
追無窮之意雖少陵淵明不得工也然不易
其意而造其語謂之換骨法規模其意形容
之謂之奪胎法如鄭谷十月菊曰自緣今日人
心別未必秋香一夜衰此意甚佳病在氣不
長曾子固曰詩當使人一覽語盡而意有餘

荆公菊詩云千花百卉凋零後始見閑人把
一枝東坡則曰萬事到頭都是夢休休明日
黃花蝶也愁又如李白詩曰鳥飛不盡暮天
碧又曰青天盡處沒孤鴻然其病如前所論
山谷詩云不知眼界濶多少白鳥去盡青天
回凡此之類皆換骨法也顧況詩云一別二
十年人堪幾回別荆公云一日君家把酒盃
六年波浪與塵埃不知烏石江邊路到老相
尋得幾回樂天詩云臨風杪秋樹對酒長年

身醉貌如霜葉雖紅不是春東坡云兒童悞
喜朱顏在一笑那知是酒紅凡此之類皆奪
胎法也

李格非論文

李格非曰諸葛孔明出師表李令伯陳情表
劉伯倫酒德頌陶淵明歸去來引皆沛然如
肝肺中流出殊不見斧鑿痕是知文章以氣
爲主老杜詩過人在誠實耳如玉川子詩曰
昨夜村飲歸健倒三四五摩挲青莓苔莫喚

驚著汝荆公用其意作扇詩云玉斧修成寶
月團月邊仍有女乘鸞青冥風露非人世鬢
亂釵橫特地寒

秀關西語

法雲秀關西謂黃魯直曰公作艷歌小詞可
罷之魯直曰空中語耳非殺非偷寧至坐此
墮惡道耶師曰君以邪言蕩人淫心使逾禮
越禁其罪非止墮惡道而已魯直自此不作
詞曲李伯時善畫馬師曰伯時爲大夫而以

畫行已可恥又作馬伯時慧曰無乃蕩人心
墮惡道乎師曰公業此日久思其情狀求其
神駿繫念不忘一日眼光落地必入馬胎無
疑伯時愕然曰何以洗其過師勸畫觀世音
象外句

唐僧多佳句比物以意而不指言一物謂之
象外句如無可詩云聽雨寒更盡閉門落葉
深是落葉比雨聲又曰微陽下喬木遠燒入
秋山是以微陽比遠燒也妙在言其用不言

其名耳

滿城風雨近重陽

潘大臨工詩貧甚謝元逸以書問有新作否
答曰秋來景物件件都是佳句恨爲俗氣蔽
翳昨日得句云滿城風雨近重陽忽催租人
至遂敗意止此一句奉寄聞者笑其迂濶

十四字師號

道潜有句云隔林彷彿聞機杼知有人家在
翠微東坡曰此吾師十四字師號

竹詩

西湖僧清順怡然常作竹詩曰城中寸土如
寸金幽軒種竹只十個春風慎勿長兒孫穿
我堦前綠苔破又有林下詩云久從林下遊
識破林下趣從渠綠蔭繁不碍清風度閑來
石上眠落葉不知數一鳥忽飛來啼破幽寂
處

崑體

詩到李義山謂之文章一厄以其用事僻澁

時號崑體荆公晚年亦或喜之如雲詩云借
問火城將策探何如雲屋聽窓知

持碁謎

荆公在鍾山因奕碁作數語曰彼亦不敢先
此亦不敢先是以無所爭故能入於不死不
生公笑曰此持碁隱語也

沒浩蕩

老杜詩曰白鷗沒浩蕩今誤作波荆公曰道
人北山來問松我東岡舉手指屋脊云今時

許長今誤作問松栽東岡與波浩蕩當併按也

張天覺草書

張丞相好草書而不工一日得詩索筆疾書滿紙使其姪錄之當奇險處姪罔然而止執所書問曰此何字丞相熟視詎曰胡不早來問致吾忘也

東坡詩

東坡作海棠詩曰只恐夜深花睡去高燒銀

燭照紅粧事見楊妃外傳曰妃子卯酒未醒
明皇笑曰是豈妃子醉直海棠睡未足耳作
尼童詩曰應將白練作春衣事見天詔應天
下尼用白練爲衣作橄欖詩曰已輸崖蜜十
分甜事見鬼谷子曰照夜清螢也百花醴蜜
也崖蜜櫻桃也

太祖遠畧

神宗皇帝一日行後苑見牧豸純者問何所
用對曰自祖宗以來畜之不知果安用上沉

思久之詔付有司禁中自今不得復畜數月
衛士忽獲妖人急欲血澆之禁中卒不能致
神宗方悟太祖遠畧亦及此

丁晉公詩

丁晉公海外詩云草解忘憂憂底事花名含
笑咲何人世以爲工東坡云花非識面常含
笑鳥不知名祇自呼便覺才力相去遠矣

崔徽頭子詞

秦少游有詞云落紅萬點愁如海覺範賦崔

徽頭子用少游韻曰半身屏外睡覺唇紅退
春思亂芳心碎空餘簪髻玉不見流蕪帶試
與問今人秀韻誰宜對湘浦曾同會手拏輕
羅蓋疑是夢今猶在十分春易盡一點情難
改多少事都隨恨遠連雲海

謝無逸詩

荆公女吳安持之妻工詩嘗寄荆公曰西風
不入小窓紗秋氣應怜我憶家極目江山千
里恨依然和淚看黃花和曰青燈一點映窓

紉好讀楞嚴莫念家能了諸緣如幻事世間
唯有妙蓮花

筍名稚子

老杜詩曰竹根稚子無人見唐人食筍詩云
稚子脫錦綳頭玉香滑則稚子爲筍明矣
贊寧雜記竹根有鼠大如猫其色類竹名竹
豚一名稚子

北征詩

老杜北征詩曰不聞夏商衰中自誅褒姒意

著明皇鑒夏商之衰敗能悔過賜妃子死也
劉禹錫馬嵬詩曰官軍誅佞卒天子矜妖姬
群吏仗門屏貴人牽帝衣白樂天長恨歌曰
六軍不發無奈何宛轉蛾眉馬前死乃是官
軍迫使妃子歌咏祿山叛逆耳其去老杜何
啻九牛毛耶

長公主挽詞

神宗作秦國大長公主挽詞曰海闊三山路
香輪定不歸帳深空翡翠珮冷失珠璣明月

留歌扇殘霞散舞衣都門送車返宿草自春
非又曰曉發城西道靈車望更遙春風寒魯
館明月斷秦簫塵入羅衣暗香隨玉篆消芳
魂飛北渚那復可爲招又曰塵自天淵發恩
從國愛深歌鍾雖在館桃李不成春水折空
還沁樓高亦隔秦區區會稽市無復獻珠人
四家詩

王荆公以李太白杜子美韓退之歐永叔詩
編爲四家集以歐公居太白之上公曰太白

詞語迅快然十句九句言婦人酒耳

漁網石上詩

嘉祐河濱漁網得一石上刻詩曰雨滴空堦
曉無心換夕香井桐花落盡一半在銀床井
欄也不知誰作

墨梅

衡州花光仁老以墨爲梅花黃魯直觀之曰
如嫩寒春曉行孤山水邊籬落間但欠香耳

吳城龍女

黃魯直發荊州亭柱間有詞曰簾捲曲欄獨
倚雲展暮天無際淚眼不曾晴家在吳頭楚
尾數點雪花亂委撲漉沙鷗驚起詩句欲成
時沒入蒼烟叢裏魯直悽然曰似爲予發也
不知何人所作筆勢類女子又有淚眼不曾
晴之句疑其鬼也是夕有女子見夢於魯直
曰我家豫章吳城山附客舟至此墮水死不
得登江亭有感而作不意公能識之魯直驚
寤曰此必吳城小龍女輩也

牡丹偈

太祖將問罪江南，李後主欲拒王師。法眼禪師觀大內牡丹，作偈諷之曰：擁毳對芳叢，由來趣不同。髮從今日白，花是去年紅。艷曳隨朝露，馨香逐曉風。何須待零落，然後始如空。後主不省師，乃渡江。

白樂天詩

白樂天每作詩，令一老嫗解之。問曰：解否？嫗曰：解則錄之，不解則又易之。故唐末之詩近

於鄙俚

東坡詞

東坡與少游飲別作虞美人曰波聲泊枕長
淮曉隙月窺人小無情汙水自東流只載一
舡離別向西州竹陰花島曾同醉酒未多於
淚誰教風鑿在塵埃醞造一場煩惱世傳此
詞賀方回作非也乃東坡作

華亭舡子和尚偈

華亭舡子和尚有偈曰千尺絲綸直下垂一

波纔動萬波隨夜靜水寒魚不食滿舡空載
月明歸黃魯曾直歌成長短句曰一波纔動萬
波隨策笠一釣絲金鱗正在深處千尺也須
垂吞又吐信還疑上釣遲水寒江靜滿目青
山載月明歸

老杜詩

老杜詩曰天子呼來不上舡舡方言也乃襟
紐是已家家養烏鬼川陝路民多供事烏蠻
鬼俗人不解便作養畜字沈存中遂認差烏

鬼爲鷓鴣夜闌更秉燭照恐尚是夢作去聲
讀則失其意

李元膺詩

李元膺喪妻作長短句去年相逢深院宇海
棠下曾歌金縷歌罷花如雨翠羅衫上點點
紅無數今歲重尋携手處空物是人非春暮
回首青門路亂紅飛絮相逐東風去元膺尋
亦卒

石曼卿墜馬

石曼卿喜戲譎嘗出馭者失鞚馬驚曼卿墮地從吏遽扶掖升鞍曼卿徐曰賴我石學士也若瓦學士則不破碎乎

道人肝臟饅頭

覺璉禪師能詩歐公曰此道人作肝臟饅頭也或問其故答曰是中無一點菜氣仁宗留住淨因禪院作偈曰堯仁况是如天闊乞與孤寒自在飛乃其詩也

坡谷秦三公詩

秦少游責雷州詩曰南土四時都熱愁人日
夜長安此身如石不轉一時忘了家鄉黃魯
直責宜州曰老色日上面懽情日去心今既
不如昔後當不如今輕紗一幅巾短簞六尺
床無客日自靜有風終夕涼少游鍾情故詩
閑暇至東坡則云平生萬事足所欠惟一死
英特邁往之氣可畏而仰企

大酒清話

惠花酒詩

張齊賢丞相答西京留守惠花酒詩曰有花
無酒頭慵舉有酒無花眼倦開好是西園無
事日洛陽花酒一齊來

竊詩

魏周輔有詩上陳亞犯古人一聯亞不爲禮
周輔復上一絕曰無所用心惟飽食爭如窓
下作新詞文章大抵多相犯剛被人言愛竊
詩亞次韻曰昔賢自是堪加罪非敢言君愛
竊詩耐耐古人多意智預先偷了一聯詩

陳亞及第

陳亞幼孤育於舅家舅爲醫工人呼作衙推
亞登第皆賀其舅有詩云張公吃酒李公醉
自古人言信有之陳亞今年新及第滿城人
賀李衙推

平似秤明似鏡

雙漸爲孟州僉判同僚或稱其縣長官平似
秤明似鏡漸曰却被押司走上廳打破鏡踏
折秤

孫山得解

孫山末綴得解有同試者託山探得失山曰
解名盡處是孫山吾人更在孫山外山後以
恩榜成名作詩云盤古榜中同進士伏羲手
裏探花郎又云幸賴聖恩收拾了這回含笑
入黃泉

講易

咸平邑大夫召黃州先生講易至睽卦至上
九見豕負塗載鬼一車曰陰下有載上之義

鬼卽積陰也孫山曰載鬼一車乃閻羅大王
般家小也一日說噬嗑卦至雷電合而章先
生曰先一個電後一聲雷所以相合山曰某
且歸先生問何爲山曰惡天色也一日講論
語季氏旅泰山爲五岳之尊山曰泰山旣爲
五岳之尊竈王會是一家之主

嘲任轂詩

任轂遜名伊洛山水望蒲輪而不至潛至京
師訪問知友有朝士嘲曰雲林應訝鶴書遲

日入京來探事宜從此見山湏合眼被山相
賺已多時

教坊進口號

唐昭宗時事勢爲朱全忠所持一日開宴教
坊伶人觀榜曰賴是五百年間生個若是一年生一
個教朝廷怎生奈何

羊雪二詩

書生王勉吟羊詩云頭上兩條阜角頰下一
撮髭鬚不知是何方聖者髀髀裏行撒數珠

又作雪詩云上天燒下豆稽灰烏李湏教做
白梅道士變成銀感築師姑化作玉茶槌

皮歸相嘲

皮日休謁歸仁紹託故不出日休假其姓爲
詩嘲曰硬骨頑形知幾秋臭骸知是不風流
及至死後鑽令徧抵爲當初不出頭仁紹復
嘲曰幾片尖裁砌作毬火中煉了水中揉一
包閑氣知常在惹踢招拳卒未休

臘月養蚕

河北一主簿見邑宰曰有一大利便事百姓
五月收麥養蚕一併勞苦欲令臘月中養蚕
宰曰是則是矣但恐臘月無桑簿曰伏惟安
置

陳亞詩

有僧歲旱市中求雨陳亞作藥名詩贈云無
雨若還經半夏和師變作葫蘆巴壽州有娼
魁肥亞問是何處人曰本是淝上人亞笑曰
我喚作是淝下人亞自爲名贊云有口如啞

無心作惡中心本無一物外面多許稜角有
僕黃興外厨煮料置猪蹄其中小婢如僧竊
食之興訟於公公曰正合占詩云如僧清早
厨邊過偷却黃興料裏蹄

賀四廂太保啓

李源作四廂太保賀啓云伏惟太保纔離五
都之中便轉四廂之職紫袍窄地牙笏當胸
手執金骨之朶身坐銀校之椅舊時攏馬只
是一箇如今喝道約勾十人據此威風下梢

類言
卷之五
三六
須爲太尉亦宜念舊第一莫打長行

觀君丰采必不甚高

有貴人性強嘗與屬吏對棋曰觀君丰采必
不甚高請坐西廊便使墨子下手高聲唱喏
殺著不得作聲

送客詩

高敖曹送客詩云相送復相送相送至橋頭
培堆兩眼淚拍塞一懷愁

假蝗虫

賈黃中爲相廬多遜作叅一日附畿有虫蝻
廬曰其間所有乃賈黃虫賈曰亦聞不傷稼
但廬多損耳

宣水

石叅政在中書堂一相曰取宣水來石曰何
也曰宣徽院水甘冷石公曰若司農寺水當
呼爲農水也

亂寫試卷

孔登非儒者治平中來京師應舉恥施白乃

亂寫試卷上云三日雷聲五日電光十日雨
下太山不厭微塵大海不論杓子杳時人好
取奉我也好隨順屋上好喂馬屎尿兩邊流
幡竿頭上好開典庫答曰高燥莫下來不得
却待咨聞又寫伊州一本後云此去及第十
萬八千里又曰我道者事做也買取一兩草
鞋長行試院出榜召捕登窺歸

孔門上哲

楊球上陳亞大卿啓云伏惟某官詩禮名家

孔門上哲公戲答詩曰蒙君遺長牋語意如
何說請看身上衣裋中本無蝟又蝨人面黑
詩曰笑似烏梅裂啼如豉汁流眉間粘帖子
巴上是幞頭

對屬

有郡丞席上作對屬云時熱不須湯盞湯一
妓對曰廳涼無用扇車扇

末厥

歐公歸目錄云尖簷帽子卑凡廝短鞞靴兒

末厥兵公云不知末厥何謂也嘗見老儒云
尖簷帽子蹠蹠淺面麻鞋列缺茶說故兩
存之

二詩生賦詩

河朔書生與洛陽書生同飲賦詩河朔生日
昔年曾向洛陽東年年只是看花紅今年不
見花枝面花在舊時紅處紅河朔生日昔年
曾向北京北年年只是看蘿蔔今年不見蘿
蔔面蘿在舊時蔔處蔔

漁樵問話

李忠化虎

劍州君子李忠久病其子市藥歸父朶頤而
涎出其狀如虎子走而出閉其室旋聞哮吼
之聲穴壁視之乃真虎也

玉樹曲

唐末有宜春人王轂者以詩擅名嘗作玉樹
曲其詞云君臣猶在醉鄉中一面已無陳日
月嘗於市廛遭無賴輩毆擊轂大呼曰爾輩

莫無禮吾便是吟玉樹曲者無賴輩慚謝而
退

隱娘教習擊刺之法

唐魏大將聶鋒有女子方十歲名隱娘忽爲
乞丐尼竊去父母不知所向日夜悲泣後五
年尼送隱娘還曰教已成矣父母詢其所學
云尼携至一岩洞中與藥一粒服令持一劍
教習擊刺之法一年後刺猿猱如飛刺虎豹
如無物三年能飛以刺鷹鷂四年挈我於都

市中再指其人必數其過惡曰爲我取其首
來其應聲而首已至矣卽以藥消之爲水後
五年忽曰大僚某人罪惡貫盈欺君罔民爲
我取其首來隱娘承命而往伏於大僚所居
梁上移刻方持其首至尼大怒曰何大晚如
是隱娘曰爲見其人可愛戲弄一時未欲下
手尼叱之曰已後遇此輩先斷其所愛然後
決之汝術已成可還遂還家

衡山老虎

長慶中有處士馬拯在衡山精舍見老僧古
貌龐眉借拯僕持錢往山下市鹽酪初亦不
知老僧所向山人馬紹繼至云路逢一虎食
一僕食訖卽脫班衣而衣禪衲熟視乃老僧
也有頃歸僧口吻尚有餘血二人駭愕共爲
之計給僧云寺井有怪物僧往窺井二人併
力推入井中以巨石壓之急下山已日暮見
數十人或僧道或男女皆大怒曰二賊殺我
禪師今來追捕二人詰獵者曰彼衆何人也

獵者曰此俵鬼也昔爲虎食之人旣已鬼矣
遂爲虎之役二人乃厲聲叱鬼曰汝輩真下
鬼也生旣爲虎之食死又爲虎之役今幸其
斃又從而號哭耶一鬼答曰某等爲虎食啖
固當刻心以報寃然終不知所謂禪師者乃
虎也

類說卷之五十五終

知老僧所向山人馬路徑至云路逢一老僧
氣也食訖即脫班衣而衣麻袖熟視乃老僧
固當懷心以辭突然怒發不吐而語轉轉若
發又發而無哭涕一里答曰其善為氣食則
與也主猶為氣之冷長又為氣之冷今幸其
為為氣之冷二人以氣擊也里曰汝輩真不
厭者曰汝對氣也昔為氣食之必謂曰里矣

類說目錄卷之五十六

古今詩話

杜詩愈疾

可與桃源

春日得春衣

探驪獲珠

詩瓢

戀鏡湖春色

鄭鷓鴣

瑞錦窩

淮西碑帽子

捉語意合處

樂天之宮

詩中虎

迷樓

三花馬

舉人試燒燭

麴塵絲

鹽曲

飲硯水

調脂弄粉

塚壘死人

秋聲詩

釣叟圖

長年三老

水鳥

打脊詩

爾汝歌

第三廳

鍾山公

賈至詠薛瑤英詩

何遜能詩

太白入月

杜詩

張文昌馬詩

詩動靜

院落深沉杏花雨

范希文詩

文喜宴賜詩

蝴蝶詩

李氏宮中詩

丘濬詩

調元地養病坊

魏野詩

三入翰林

江南曲

江山留人

湘靈鼓瑟詩

閩士賦詩

詩人用也字

使契丹詩

夜宴詩

四夷妙賦三酌酸文

渥注馬賦

伐兩京道中槐

有客謂張三影

草詞

太宗詩

增三班奉職俸

歐公詩話

昌陵挽詞

有祿肥妻子

賣花擔上看桃李

神御殿朝拜

梅聖俞詩

鄭都官不愛之徒

杜集

九僧集

郊島詩

周村詩

梅聖俞論詩

渴睡漢狀元及第

贈漁父詩

滕王蛺蝶圖

詩句語病

謝伯初詩

芙蓉城主

聽風聽水

趙師民詩

論韓退之詩

溫公詩話

朝堂厚朴湯

惠崇詩

律聽軍聲詩

鮑孤鴈

魏野詩

蹴鞠詩

陳文惠詩

章獻太后挽詞

石曼卿對

劉槩詩

韓魏公詩

宦者王申宮詞

賞花釣魚

藥名詩

蓑衣七夕二詩

堠子詩

遷英講藝詩

鄭工部詩

戲殺

劉貢父詩話

嚴杜二詩

王元之謝表

不啣溜鈍漢

潘閔詩

四十餘年老健兒

吾宗天下著

黃覺贈梅昌言詩

遇呂洞賓

諸館職搏拈至此

次韻依韻用韻

唐詩量力名家

瑞葉

西山詩

福州詩僧

老欲依僧急則抱佛

楊諤詩

花蕊夫人詩

野鷹何有王儵

赤松贈張良詩

五方語音

藥名詩

承露狼對凝霜兔

下官之稱

字扁旁合

互郎

佚老亭

末厥兵

何樓

胡語詩

西都詩

名以姓詩

說黃巢事

殺祭社猪

有酒如澗在北曰狄

香印

黃耳寄書

孟東野詩

類說目錄卷之五十六

終

正史紀年

五部

本朝

黃真濟書

林西川賦五共曰外

錢謙益集

錢謙益集

類說卷之五十六

宋溫陵曾慥編

明新野馬之騏叅閱

山陽岳鍾秀訂正

古今詩話

杜詩愈疾

有病瘧者杜子美曰誦吾詩可治乃令誦夜
闌更秉燭相對如夢寐瘧如初又令誦子章
髑髏血模糊疾果頓愈

可與桃源

憲宗稱戎昱詩曰此人若在可與武陵桃源
稱其吟咏

春日得春衣

柳公權從駕上云我有一喜事邊衣久不及
時今年二月悉已給散可作詩賀公權曰去
歲雖無戰今年未得歸皇恩何以報春日得
春衣

探驪獲珠

元稹劉禹錫韋楚客同會樂天舍各賦金陵

懷古劉詩先成白曰四人探驪子先獲珠所
餘鱗角何用三公乃遂罷作

詩瓢

唐求喜吟咏撚稿爲丸貯以大瓢於江中曰
苟不沉沒得之者方知吾苦心耳流至新渠
有識者曰此唐山人詩瓢取得之其詩遂傳
題隱居云數點石泉雨一溪霜葉風業在青
山處道成無事中

戀鏡湖春色

元稹廉察浙東喜官妓劉採春稹嘗有詩云
因循歸未得不是戀鱸魚人註之曰戀鏡湖
春色耳謂劉採春也

鄭鷓鴣

鄭都官有鷓鴣詩時稱鄭鷓鴣

瑞錦窠

禮部郎中掌省中文翰謂之瑞錦窠

淮西碑帽子

椰子厚謂韓退之淮西碑猶有帽子僕若爲

之便說用兵伐叛事又云左飡右粥何如我
平淮西雅云仰父俯子

捉語意合處

唐詩僧善論詩尤善捉語意合處張水部一
日得句云常因送人處憶得別家時自謂古
人未道僧曰亦有道者見他桃李樹思憶故
園春是也

樂天之宮

有客商過海值風抵一闕云是樂天之宮白

聞遂賦詩云近有人從海上回海山深處見
樓臺中有仙龕藏一室皆言此待樂天來又
云吾學空門不學仙恐君此語是虛傳海山
不是吾歸處歸則須歸兜率天

詩中虎

羅鄴牡丹詩云落盡春紅始見花幄籠輕日
護香霞買栽池館恐無地看到子孫能幾家
人皆謂之詩中虎宋之問天后朝求爲北門
學士不許乃作明河篇以見意云明河可望

不可親願得乘槎一問津更將織女支機石
還訪臨邛賣卜人天后曰吾非不知其才調
但以其有口過耳之間有齒疾口臭故也本
事詩已載

迷樓

隋煬帝時浙人項昇進新宮圖帝愛之令楊
州依圖營建既成幸之曰使真仙遊此亦當
自迷乃名迷樓

三花馬

韓幹畫閔馬圖并御馬皆有三花馬三花者
剪鬃爲三瓣也樂天詩云舞衣裁四葉馬鬣
剪三花

舉人始燒燭三條

唐制舉人試日旣暮許燒燭三條韋永貽試
日先畢作詩云三條燭盡鐘初動九轉丹成
鼎未開日月漸低人擾擾不知誰是謫仙來
麩塵絲

楊巨源詩云江邊楊柳麩塵絲

鹽曲

交趾有黃帝鹽曲按唐譜有突厥鹽阿鵲鹽
等施肩吾詩云顛狂楚客歌成雪媚懶吳娘
笑是鹽

飲硯水

禮部試不給茶湯但飲硯水皆黔其口吻
調脂弄粉塚疊死人

徐仲鴉李九臯俱善詩徐詩富艷李多用事
李謂徐曰公詩如美女善調脂弄粉徐曰公

乃鬻冥器者但祭壘死人耳

秋聲詩

徐鍇作秋聲詩井梧分墮砌塞鴈遠橫空雨
滴苔莓老風吹薜荔紅

釣叟圖

世傳江南釣叟圖上有漁父詞二首有蠻縷
一釣輕之句

長年三老

川峽呼梢工篙手爲長年三老老杜詩云長

年三老歌聲裏白晝灘前高浪中

水鳥

鷓鴣 水鳥也其膏塗刃劔不生秀古詩云
馬啣苜蓿葉劔瑩鷓鴣膏

打春詩

盧延讓哭邊將詩曰自是礪砂發非干礪石
傷牒多身上職怨大背邊瘡人謂是打春詩
爾汝歌

孫皓歸晉封歸命侯武帝問曰聞南人好作

爾汝歌頗能否皓舉觴歌曰昔與汝爲隣今
與汝爲臣

第三廳

社翁今日沒心情爲乏治聾酒一瓶惱亂玉
堂將欲遍依稀循到第三廳

鍾山公

後唐李建勛出師臨川歸拜司空累表乞致
仕自稱鍾山公詔授司徒不起學士湯悅致
狀賀之建勛答詩曰司空猶未許那敢作司

徒幸有山公號如何不見呼先是宋齊丘退
歸九華未朞一徵而起時論少之或以建勛
比宋者因作詩曰桃花流水須相信不學劉
郎去又來

賈至咏薛瑤英詩

元載納薛瑤英爲姬處以金絲帳却塵褥衣
以龍綃衣賈至詩云舞怯銖衣重笑凝桃臉
開方知漢成帝虛築避風臺

何遜能詩

何遜八歲能詩沈約曰每讀卿詩一日三復
不已故李義山詩曰寄言何遜休聯句瘦盡
東陽姓沈人

太白入月

李太白三擬詞選不如意悉焚之惟留恨別
賦及祿山反至胡無人云太白入月敵可摧
及祿山死太白入月

杜詩

楊大年不喜杜詩謂之村夫子嘗有鄉人以

杜詩强大年曰公試爲我續杜句乃舉江漢
思歸客大年將屬對鄉人徐曰乾坤一腐儒
大年默然歐公亦不甚愛杜詩而謂韓退之
絕倫退之於唐世文章未嘗屈下獨稱李杜
不已歐公不悅子美所不可曉則又愛賞李
白將由太白騰趨飛動易爲感動歟

張文昌馬詩

張文昌樂府詞清麗深婉五言亦平淡可愛
至七言詩則贅多文少謝馬詩云乍離華廐

移蹄澁初到貧家舉眼驚此馬一遲鈍不能
行而多驚者

詩動靜

有詩云風定花猶落之句王荆公以對鳥鳴
山更幽上句靜中有動下句動中有靜

院落深沉杏花雨

王荆公云梨花一枝春帶雨桃花亂落如紅
雨珠簾暮卷西山雨皆警句也然終不若院
落深沉杏花雨爲優言盡而意不盡也

范希文詩

范希文贈釣者詩云江上往來人盡愛鱸魚
美看君一葉舟出沒風濤裏又觀渡詩一棹
輕如葉旁觀亦損神他時在平地無忽險中
人

文喜宴賜詩

太宗好文每進士及第賜聞喜宴御製詩爲
故事仁宗詩尤多有云寒儒逢景運報國合
如何

蝴蝶詩

謝學士蝴蝶詩云狂隨柳絮有時見舞入梨花無處尋

李氏宮中詩

歐公云詩源乎心貧富愁樂皆係其情江南李氏宮中詩曰簾日已高三丈透金爐次第添香獸紅錦地衣隨步皺佳人舞徹金釵溜酒惡時拈花盞嗅別殿微聞簫鼓奏與措大詩試挑野菜和根煮旋斫青柴帶葉燒異矣

丘濬詩

丘濬至山陽太守召飲濬詩曰醜却天下婦
人面正得世間君子心

調元地養病坊

王隨入相而病甚尤好釋氏或嘲曰誰謂調
元地番成養病坊但見僧盈室寧知火燎房

魏野詩

魏野隱華山真宗屢召不起留題壁間遂去
云洗硯魚吞水烹茶鶴避烟使還以詩對上

曰野不來矣

三入翰林

劉子儀三入翰林詩曰蟠桃三竊成何味上
盡鰲頭勢轉孤

江南曲

寇萊公少年時偶作江南曲云江南春盡離
腸斷蘋滿汀洲人未歸又曰日暮江南一望
時愁情不斷如春水意皆悽愴末年果南遷

江山留人

蘓子美久失意登蘓之閭門題云時光冉冉
都如夢風物蕭蕭又變秋家在鳳凰城闕下
江山安用苦相留又書其旁曰江山留人耶
人留江山耶

湘靈鼓瑟詩

錢起寓宿驛舍窓外有人咏曰曲中人不見
江上數峯青及殿試湘靈鼓瑟詩落句意久
不屬遂以此一聯續之因中魁選

閩士詩賦

真宗朝試天德清明賦有閩士破題云天道如何仰之彌高會考試亦閩人遂中選又荆南進士吟雪詩始用先字落句云十二峯前旋旋天

詩人用也字

詩人用也字本皆音夜杜云青袍也自公元稹云也向慈恩寺裏遊今人讀如字非也

使契丹詩

刁約使契丹詩云押宴移離畢看房賀跋支

餞行三足製蜜賜十貔狸皆紀實也移離畢
官名如中國執政官賀跋支如執房閣足製
小木罌以色綾木爲之如黃漆貔狸皆如鼠
而大狄以爲環膳

夜宴詩

施肩吾夜宴詩曲欄如畫買不眠玉爐夜起
沉香烟青娥一行十二仙紅顏欲笑桃花然
碧窓弄嬌梳洗晚戶外不知銀漢轉被郎嗔
罰琉璃盞酒入四肢紅玉軟

四夷妙賦

三酌酸文

錢熙太宗時進四夷來王賦擢館職嘗撰三酌酸文畧曰渭川凝碧早拋釣月之流商嶺排青不逐眠雲之客又年年落第春風徒泣於遷鶯處處羈遊夜雨空愁於斷鴈及卒李慶孫哭之曰四夷妙賦無人誦三酌酸文舉世傳

渥洼馬賦

喬彞試渥洼馬賦四蹄曳練番瀚海之驚波
一噴生風下胡山之碎葉

伐兩京道中槐

貞元中度支欲取兩京道中槐樹爲薪更栽
小桃渭南尉張造牒曰召伯所憇尚勿剪除
先帝舊遊豈宜斬伐乃止

有客謂張三影

有客謂張子野曰人皆謂公爲張三中卽心
中事眼中淚意中人也公曰何不目我爲張

三影雲破月來花弄影嬌柔懶起簾櫳壓花
影柳徑無人墜風絮無影此予平生得意也

草詞

林逋咏草詞云金谷年年亂生春色誰主餘
花落處滿地和烟雨又是離歌一闋長亭暮
王孫去萋萋無數南北東西路

太宗詩

陝府唐昭宗有詞云安得有英雄迎歸大內
中道遙橋有太宗詩云昔乘匹馬去今駟萬

乘來氣象不侔矣

增三班奉職俸

舊制三班奉職月俸七百肉半斤祥符中有
人題壁云三班奉職實堪悲卑賤孤寒卽可
知七百料錢何日富半斤羊肉幾時肥朝廷
遂增俸

歐公詩話

昌陵挽詞

李文正進昌陵挽詞云奠玉幾回朝上帝御

樓三度納降王

有祿肥妻子

仁宗時有達官詩云有祿肥妻子無恩及吏
民戲曰通衢遇一輜駟車載極重羸牛甚苦
豈非足下妻子乎

賣花擔上看桃李

京師士大夫牽於事役罕有宴遊至有賣花
擔上看桃李沽酒樓頭聽管絃之句

神御殿朝拜

西京神御殿去城十里朝拜嘗苦晨興留守
進官酒三行不交一言而退其詩云正夢寐
中行十里不交言處飲三盃

梅聖俞詩

梅聖俞詩有咏河豚春洲生荻芽春岸飛楊
花河豚於此時貴不數魚鰕破題已道盡河
豚好處蘇子瞻得西南夷所賣蠻布弓衣其
文織成聖俞春雪詩其名重夷狄如此

鄭都官不愛之徒

吳僧贊寧國初爲僧錄安鴻漸嘲曰鄭都官不愛之徒時時作像贊寧曰秦始皇未坑之輩往往成羣鄭谷詩云愛僧不愛紫衣僧

杜集

陳從易詩類白樂天蓋自楊劉唱和西崑行後進爭效之風雅之變謂之崑體陳公偶得杜集舊本文多脫誤至身輕一鳥下脫一字各與數客各用一字補之或云疾或云落或云起或云下後得一本乃身輕一鳥過陳公

嘆服雖一字諸君亦不能到也

九僧集

詩僧本朝名世者九人有集號九僧一曰惠崇餘忘其名詩有云馬放降來地鷗盤戰後雲又云春生桂嶺外人在海門西進士許侗俊逸之士會諸僧分題約曰不得犯此一家乃山水風雲竹石花草雪霜星日禽鳥之類諸僧皆閣筆侗及第時人嘲曰張康渾裹馬許侗開裝妻是也

郊島詩

孟郊賈島以詩窮死孟移居云借車載家具
家具少於車乃是都無一物耳謝炭云暖得
曲身成直身非身備嘗不能道此句賈云髯
邊雖有絲不堪織寒衣就令織得能有幾何
又嘲飢詩云坐開西林琴凍折兩三絃不止
忍飢而已其寒亦何可忍也

周朴詩

周朴詩句煨黍煉未及成篇已播人口有云

風煖鳥聲碎日高花影重又云曉來山鳥鬧
雨過杏花稀

梅聖俞論詩

梅聖俞曰詩家若意新語工得前人所未道
者爲善必然狀難寫之景如在目前含不盡
之意見於言外賈島云竹籠拾山果瓦瓶擔
石泉姚令云馬隨山鹿放雞逐野禽飛等是
山邑官况蕭條不如縣古槐根出官清馬骨
高爲工也若嚴維柳塘春水漫花塢夕陽遲

則天容物態豈不在目前乎温廷筠鷄聲茅
店月人迹板橋霜賈島恠禽啼曠野落日恐
行人則道路辛苦羈愁旅思豈不見於言外
乎

渴睡漢狀元及第

呂文穆薄遊一縣胡旦隨父宰邑客有譽呂
舉其詩云挑盡寒燈夢不成胡笑曰乃是一
渴睡漢耳俗語轉爲瞋呂明年中甲科寄聲
胡曰渴睡漢狀元及第矣胡答曰待我明年

第一人及第輸君一籌耳次榜果中首選

贈漁父詩

有贈漁父詩云眼前不見市朝事耳畔惟聞風雨聲說者云患肝腎風盡日覓不得有時還自來本謂好句難得者云此是人家失却

貓兒

滕王蛺蝶圖

王建宮詞百首多言唐禁中事皆史傳小說所不載者如內中數日無呼喚傳得滕王蛺

蝶圖滕王元嬰高祖子名畫錄畧言其善畫
詩句語病

詩人貪求好句理有不通亦語病也如袖中
諫草朝天去頭上宮花侍宴歸進諫章疏無
直用稿草之理姑蘓臺下寒山寺半夜鍾聲
到客舫其如三更不是撞鍾時賈島哭僧云
寫留行道影焚却坐禪身時謂燒殺活和尚
也若步隨青山影坐學白塔骨又獨行潭底
影數息樹邊身何精粗之異也

謝伯初詩

閩人謝景伯初天聖間以詩知名予謫夷陵
見寄長韻有云長官衫色江波綠學士文章
蜀錦張異域化爲儒雅谷遠民爭識校儲郎
下國難留金馬客新詩傳與竹枝娘又詩云
自種黃花添野景旋移高竹聽秋聲園林換
葉梅初熟池沼無人燕學飛

芙蓉城主

石曼卿死後人有恍惚見之者云我命爲仙

王芙蓉城騎青驃去如飛後有降於一舉子
家留詩云鶯聲不逐春光老花影長隨日脚
長

聽風聽水

王建霓裳詞弟子歌中留一色聽風聽水作
霓裳今世間有望瀛獻仙音二曲此其遺聲
也不知聽風聽水爲何事

趙師民詩

趙師民龍圖詩云麥天晨氣順槐夏午陰涼

論韓退之詩

韓退之筆力無施不可嘗以詩爲文章末事
故曰多情怯酒客餘事作詩人予獨愛其用
韻韻寬則波瀾橫溢泛入旁韻不拘常格如
此日足可惜之類韻窄則因難見巧愈險愈
竒如病中贈張十八之類譬善馭者通衢廣
陌縱橫馳逐惟意所之至於水曲蟻封疾徐中
節而不蹉跌梅聖俞云萌史言退之爲人木
強若寬韻可自足而輒旁出窄韻難獨用而

反不出豈非拗強而然歟

溫公詩話

朝堂厚朴湯

詩話尚有遺者歐陽文忠公文章名聲雖不可及然記事一也故敢續之文德殿常朝之所宰相奏事畢乃來押班常至日旰守朝堂卒好以厚朴湯飲朝士有戲爲詩曰立殘庭下梧桐影吃盡街頭厚朴湯

惠崇詩

惠崇詩有劍靜龍歸匣旗閑虎遶竿其尤自
負者河分岡勢斷春入燒痕青或云其犯古
曰河分岡勢司空曙春入燒痕劉長卿不道
師兄多犯古古人詩句犯師兄潘閔嘗譴之
曰爾當憂獄事吾夢爾拜我豈當歸俗耶崇
曰惠崇拜沙門倒也秀才得無詣沙門島耶
律聽軍聲詩

滕元發甫御試律聽軍聲詩云萬國休兵外
羣生奏凱中

鮑孤鴈

鮑常爲河南府法曹嘗忤知府薛映常獻孤鴈詩云天寒稻梁少萬里孤難進不惜充君庖爲帶邊庭信薛大嗟賞時號鮑孤鴈

魏野詩

魏野少未知名題湖上寺詩云數聲離岸櫓幾點別州山有文士見之大驚贈詩曰怪得名稱野由來性不群借冠來謁我倒履起迎君由是人始重之有贈先公詩云文雖如貌

古道不似家貧

蹴鞠詩

丁晉公少好蹴鞠作詩云鷹鶻騰雙眼龍蛇
遶四肢躡來行數步蹶後立多時

陳文惠詩

陳文惠公詩云平波渺渺烟蒼蒼菰蒲纔熟
楊柳黃扁舟繫岸不忍去秋風斜日鱸魚香
又云雨網蛛絲斷風枝鳥夢搖

章憲太后挽詞

章憲太后上仙石曼卿進挽歌曰震出坤柔
變乾成太極虛

石曼卿對

李長吉歌云天若有情天亦老石曼卿對月
如無恨月長圓

劉槩詩

劉槩有氣節作詩云昔年曾作瀟湘客憔悴
東秦歸未得西窓或見好溪山如何尚有楚
卿憶讀書悞人四十年有時自把闌干拍

韓魏公詩

熙寧初魏公罷相守北門新進多凌侮之公
作詩云花去曉叢蜂蝶亂雨勻春圃桔槔閑
稱其微婉

宦者王紳宮詞

元豐初宦者王紳效王建宮詞有曰太皇生
日儼尊榮獻壽宮中未五更天子捧觴仍再
拜寶慈侍立到天明

賞花釣魚

先朝春月多召兩府兩制三館於後苑賞花
釣魚自趙元昊背叛西陲用兵廢缺甚久嘉
祐末復修故事群臣和御製詩韓魏公云輕
雲閣雨迎天仗寒色留春入壽盃二十年前
曾侍宴台司今日喜重陪內侍任守中曰韓
琦詩譏陛下仁宗愕然守中曰譏陛下遊宴
太頻

藥名詩

陳亞郎中爲藥名詩百首上元夜云但看車

前牛領上十家皮沒五家皮

蓑衣七夕二首詩

楊朴善爲詩不仕太宗召見面賦蓑衣詩云
狂脫酒家春醉後亂堆漁舍晚晴時七夕詩
云年年乞與人間巧不道人間巧已多

堠子詩

劉子儀與夏英公同在翰林英公爲副樞意
頗不平作堠子詩云空呈厚貌臨官道大有
人從捷徑過

類詩
卷之五十一
三
邇英講藝詩

進士丁偃試邇英筵講藝詩云白虎前芳掩
金華舊事輕無心非不寤垂意在蒼生

鄭工部詩

鄭工部詩有杜曲花光醲似酒灞陵春色老
於人誠難得之句

戲殺

梅聖俞卒宋子才選日比見聖俞面光澤特
出意謂充盛不知乃不祥也時韓欽聖宗彥

面亦光澤沈文通指曰次至欽聖矣衆皆尤
其暴謔不數日欽聖果卒予謂文通曰君雖
不爲呪咀亦戲殺耳

劉貢父詩話

嚴杜二詩

梅聖俞愛嚴維詩柳塘春水慢花塢夕陽遲
善則善矣細細較之夕陽遲則繁花春水慢
不繁也如老杜深山催短景喬木易高風此
乃無瑕類

王元之謝表

王元之謫黃州詩云又爲太守黃州去依舊
郎官白髮生謝上表云諸縣豐登苦無公事
一家飽煖全荷君恩元之在朝與宰相不相
能作江豚詩刺其肥大云飡啖魚鰕頗肥膈
又云江雲漠漠天雨來天意爲霖不干汝俗
云江豚出能致風雨也

不啣啍鈍漢

詩以意義爲主文詞次之意深意高雖文詞

平易自是奇作盧仝詩有云不啣啍鈍漢非
其篇前後意義自可掩口矣

潘閔詩

潘閔歸錢塘詩云久客見華髮孤棹桐廬歸
新月無朗照落日有餘輝漁浦風水急龍山
烟火微時聞沙上鴈一一背人飛此詩不減
劉長卿

四十餘年老健兒

王益柔勝之年少頡頏無所卑下張揆叔文

年長每群聚輒居上坐舊傳徐州節度使王
智興詩云四十餘年老健兒勝之密就叔文
坐後屏風題此句

吾宗天下著

李詢公素嘗有詩贈同姓曰吾宗天下著王
勝之注曰居甘泉以謳著賣藥以木牛著圍
棋以憨著裁幘頭以拘著作詩以豁達著此
數人皆京師人名娼李氏住甘泉善歌李木
牛賣藥李憨子圍碁國手無敵而精神昏濁

老杜詩

築塲憐蟻拾穴穗許村童每頌此詩盎然
有愛物仁民之意

黃覺贈梅昌言詩

梅昌言言出鎮并州黃覺贈詩曰出去暫開貔
虎幕歸來須占鳳凰池鬚間未有一莖白陶
鑄蒼生固不遲

遇呂洞賓

黃覺旅舍見一道士共飲舉杯撥水寫呂字
覺始悟其爲洞賓也出懷中七大錢三小錢
曰數不可益也與藥可數寸許歲旦以酒磨
服可一歲無疾覺如其言至七十餘藥亦垂
盡作詩曰床頭曆日無多子屈指明年七十
三果以是年終

諸館職擢摺至此

李商隱錦瑟詩人莫曉其意或云是令狐楚
家青衣名楊大年錢文僖晏文獻劉子儀爲

詩皆宗義山號西崑體後進多竊取義山詩句御宴優人有爲義山者衣服敗敝告人曰吾爲諸館職搏撻至此子儀畫義山像寫其詩列左右貴重之如此

次韻用韻依韻

唐人賡和詩有次韻用韻依韻其依韻同在一韻中耳用韻用彼之韻不必次之韓吏部和皇甫陸渾山火是也今人多不曉劉長卿餘干旅舍搖落暮天迴丹楓霜葉稀孤城向

水閉獨鳥背人飛渡口月初上鄴家漁來歸
鄉心正欲絕何處搗征衣張藉宿江上楚驛
南渡口夜深來客稀月明見潮上江靜覺鷗
飛旅舍今已遠此行殊未歸離家久無信又
聽搗征衣兩詩似次韻皆竒作也

唐詩量力名家

管子云事無終始無務多業言學者貴能成
就也唐人爲詩皆量已力精思數十年各自
名家今人未有少得高視前人杜詩云更覺

良工心獨苦豈獨盡手也

瑞葉

海陵人王綸女爲鬼所憑自稱仙人爲字數十品名號形製不相犯諸仙所用有雪詩云何事月娥欺不在亂飄瑞葉落人間云天上
有瑞木開花六出也謂綸爲清非孺子不曉其義贈詩曰君爲秋桐我爲春風春風會使秋桐變秋桐不識春風面題金山云潮頭風滾雪山脚石蟠虬

西山詩

洪州西山客多留詩有僧告郡守曰詩盡不
佳何不除去守愕然曰僧作佳乎吟曰洪州
太白方積翠傍穹蒼萬古遮新月半江無夕
陽

福州詩僧

福州僧詩多佳句如雲收千嶂雨潮展半江
天詩因試客分題僻基爲饒人下着低
老欲依僧急則抱佛

王丞相好嘲謔嘗曰老欲依僧客對曰急則
抱佛耳丞相曰投老欲依僧是古詩客曰急
則抱佛脚亦是俗諺云全句然上去頭下去
脚豈不的對

楊諤詩

蜀人楊諤受釐宣室詩云願前明主席一問
洛陽人題驪山云行人問宮殿耕者得珠璣
花蕊夫人詩

孟蜀時花蕊夫人詩大約似王建宮詞有云

厨舡進食索嘗新列坐無非侍從臣日午殿
頭宣索膾隔花催喚打漁人又云月頭支給
買花錢滿殿宮娥近數千遇著喚名多不語
含羞走過御床前

野鷹何有征徭

山東經學多不省文章嘗一縣兩經生同官
忽舉鄭谷詩云任是深山更深處也應無計
避王徭其一人嘆曰此詩誤矣野鷹何嘗有
王徭乎解曰古人所爲寧有失也是年必當

科取毛翎耳

赤松贈張良詩

楊安國爲翰林學士以老欲求外官告人曰
赤松子贈張良詩曰不如閒早歸山去免事
君王不到頭吾猶是矣

五方語音

司馬君實論九旗之名旗與旂相近緩急何
以區別小雅庭燎向晨言觀其旂左傳龍虎
伏辰取號之旂然尉旂當爲芹音爾閔中人

言清濁之清則不改晴字丹青之青則爲萋
音又以中爲烝虫爲塵不知旂本爲芹音因
人語轉如青之言萋也五方語若是多閩人
以高爲歌荆楚人以南爲難以荆爲斤文士
作歌詩亦多不悟者

藥名詩

陳亞藥名詩咏白髮云若是道人頭早白老
君當日合烏頭棊爲膈寒呵子下衣因春瘦
縮紗裁

承務狼對迎霜兔

石少傅中立有通刺承務狼石喜曰求此對三十年今得之迎霜兔可以對承務狼有上官似勸石慎言語石怒曰君上官似也奈下官口何

下官之稱

晉魏以前有國者皆臣吏民宋孝武惡諸侯之強稍貶奪其禮令稱下官下官之稱亦不輕矣令人乃以代名

字偏旁令

有以進士爲舉首者其黨人意侮之因其人
出令以字扁旁爲率曰金銀釵釧鋪次一人
曰絲綿紬絹網黨人曰鬼魅魍魎俗有謎
語曰急打急圓慢打慢圓分爲四段送夜窰
前初似陶瓦乃謂令耳

互郎

今有人謂駟驢爲牙本謂之互郎主互市事
也唐人書互作牙以互似牙因轉爲牙今人

謂萬爲万謂千爲撇但數目可按故能存本
字不然亦若互牙耳

佚老亭

陳文惠公使相致仕年近八十有詩云青春
岐路遊將徧白髮光陰得竄多作佚老亭自
後士大夫歸老者往往名亭佚老云文惠善
遺墨書自目云前無古人後無來者

末厥兵

歐公記陶尚書詩云尖簷帽子卑凡厮短鞞

靴兒末厥兵不曉其義予謂今呼秃尾狗爲
厥尾衣之短後者亦曰厥此兵正用其末賤
耳但今人不以末厥連之不然亦可對卑凡
字

何樓

世人語虛僞者爲何樓國初京師有何樓其
下所賣物皆濫者故人以此目之今樓已廢
語猶相傳

胡僧詩

余靖尚書使契丹能為胡語使虜作詩曰夜

筵沒羅

沒盛也

臣拜洗受賜也

兩朝厥荷

通好

也情幹勤

厚重也

微臣雅曾

拜舞也

祝若統

福祐也

聖壽鐵擺

嵩高也

俱弗忒

無極也

虜主大笑耳

西都詩

宋次道嘗為西都詩以野狐落對五鳳樓言

野狐落唐宮名宮人所聚

名似姓詩

太宗時進士同年有數人名似姓者或取為

詩云郭鄭鄭東東野絳馬張張夏夏侯璘熙
寧初士人有崔度崔公度王韶王子韶皆的
對也又有張君陳陳君張唐人東方虬欲對
西閔豹當有好事者爲對

說黃巢事

有道人說黃巢事因曰黃大晚節至此張安
道云黃巢兄弟六人巢寂處少且云黃六猶
可以誑人詭僞多端如此

殺祭社猪

張端爲河南司錄府當祭社買猪已呈尹猪
突入端家端卽殺之以白尹尹召問端對曰
按律猪無故夜入人家主人登時殺之勿論
尹大笑爲別市猪

有酒如澠在北曰狄

劉相沆使契丹館客嘗曰有酒如澠繫行人
而不住未能對者劉卽應曰在北曰狄吹出
塞以何妨

香印

太祖登極市人以香印字逼近上名不敢斥
言擊鐵盤默喻因傳不改

黃耳寄書

陸機使黃耳寄書自洛至吳歷江淮大河能
浮水若此犬通神不容言說耳或云陸氏有
奴名黃耳不知者見犬有名黃耳遂以爲其
狗也

孟東野詩

李習之稱孟東野詩食糞腸亦苦強歌聲不

歡出門卽有碍誰謂天地寬可謂知音今世
傳郊集五卷文有減也集語多寒澆疑向五
卷是名士刪取東野與退之聯句宏博若出
一手退之容有潤色也

類說卷之五十六 終

賦歸卷之五十六

言

言

言

言

言

言

言

言

類說目錄卷之五十七

王直方詩話

西池唱和

詩備四景

顧屠

長白山主

掃愁帚醒酒冰

動人春色不須多

晁無咎詩文

陳無已詩啟

山谷論詩

軟紅香塵

書法詩格

反舌有聲

陶淵明詩

鬼作人語人作鬼語

尋常百姓

上王正仲詩

秦少游詩識

至寶丹

酴醿詩

文周翰詩

竹詩

雨拳風口

老杜家諱

郭功父詩

蔡天啟詩

荆公詩句

林逋詠梅

蘇子由寄東坡詩

孟郊詩

作詩如雜劇

鷗同一波

寂齋詩

表德皆連甫

獨樂園詩

詩貴圓熟

謝師厚詩

木杪龜趺

東坡謝御書詩

譏米元章

橄欖詩

館中種竹

砲車雲

歐公詩

旱詩

東坡論文

沙詩

嘲王禹玉詩

東坡表山谷詩

潘邠老詩

詩用麤麤字

秦王游口號

陳輔之詩話

宋玉屈原

清風明月常有光景如新

歐詩如玉燭

王建宮詞

紅消香潤入梅天

馮寇二公詩

體物賦情

三韓使人金山詩

瀑布詩

應制詩

冥搜造極

蓬萊山

改恨作幸字

西清詩話

秦陵挽詞

功謝蕭規恩從隗始

憶霖詩

狀元入相

杜詩天闕字

霓裳詞

荆公得離騷句法

王君玉詩

試館職詩

離合體

集句

瘞鶴銘

鄭虔不見八哀詩

何遜諸人詩賦

殺風景

平杜子美詩

全用平聲詩

海立

夢中賦詩

變成五日雨

洞庭詩

太白遺篇

峰頂寺詩

滕王湛然

池底鋪錦

虎圖詩

後主長短句

方城高士

西三僧詩

老野狐精

皮光業詩

竹林鳥

題周陵詩

禮部倡和

呂洞賓

鳳子

王元之對屬

王荆公詩

秋英不比春花落

植紅梅

愛文字飲與俗人沽酒同科

原父再婚

王舍人竊柳詞

東坡戲陳季常畏內

碾玉匠南食

彭門題壁

二舉子被執

生日詩

幽谷種花

李後主長短句

歌者轉春鶯

魯直詩

癩可瘦權平常是內丘氏寄夫詩

張元姚嗣宗

扈蹕詩

楊鸞詩

柳枝絳桃

羅浮仙

內宴詩

處默詩

類說目錄卷之五十七

類說卷之五十七

宋溫陵曾 慥 編

明 新野馬之騏叅閱

山陽岳鍾秀訂正

王直方詩話

西池唱和

元祐中祕閣上巳日集西池王仲至有詩張
文潛和最工云萃浪有聲黃織動卷風無力
彩旌垂秦少游云簾幙千家錦綉垂仲至笑
曰又待入小右調也然少游有已煩逸少書

類言 卷之五十七
陳迹更屬相如賦上林人所難及

詩備四景

手把寒梅撼雪英
婆娑漸見綠陰成
隔窓昨夜蕭蕭雨
已有秋風落葉聲
歐公云此詩備四時景

顧屠

元祐中顧子敞有顧屠之號以其肥倮也錢穆父有九男子東坡以爲九子母後有詩云九州羨君門戶壯蓋爲此也又送子敦云我

友顧子敦軀膽兩難偉又曰磨手向猪羊又
曰平生批勅手皆屠家語也子敦不樂坡復
曰善保千金軀前言戲之耳

長白山王

歐陽仲純夢道士持告身云上帝命汝爲長
白山王旣沒東坡哭之云死爲長白山王名字
書絳闕

掃愁帚醒酒水

東坡以洞庭春色爲掃愁帚山谷以水晶鱠

類言 卷之五十七
二
爲醒酒水

動人春色不須多

荆公作內相翰苑中有石榴一叢枝葉茂甚
惟發一花公詩曰穠葉萬枝紅一點動人春
色不須多

晁無咎詩文

元豐中晁無咎作詩文有聲陳無已以詩戲
曰聞道新文能入樣相州紅顆鄂州花

陳無已詩啓

陳無已除官一篇云扶老趨嚴詔徐行及聖
時端能幾字正敢恨十年遲肯着金根謬寧
辭乳媪譏向來憂畏斷不盡鹿門期或云纔
得一正字未湏云趨嚴詔無已復作謝啓曰
名雖文字之選實爲將相之儲又曰頭童齒
豁敢辭乳媪之譏闢淺見輕益畏金根之謬

山谷論詩

山谷論詩文不可鑿空強作待境而生便自
工耳每作一篇先立大意長篇湏曲折三致

類詩
卷之五十七
三
意乃成章耳

軟紅香塵

前輩有西湖風月不如東華軟紅香塵之語
故東坡詩云半白不羞垂領髮軟紅猶戀屬
車塵

書法詩格

東坡云書之美者莫如顏魯公然書法之壞
自魯公始詩之美者如韓退之然詩格之變
自退之始

反舌有聲

山谷云讀周書月令反舌有聲佞人在側乃
解老杜百舌過時如發口君側有讒人之句
陶淵明詩

山谷云寧律不諧不可使句弱寧用字不工
不可使語瀟此庾開府所長也然有意於爲
詩也至陶淵明所謂不煩繩削而自合者

鬼作人語人作鬼語

明月清風良宵會同星河易畚歡娛不終此

鬼詩也山谷云當是鬼中曹子建所作又云邯鄲宮中金石絲簧此兩句不惟人少能作知之者亦極難得張文潛曰舊時鬼作人語今時人作鬼語

尋常百姓

丹陽陳輔每歲清明上塚則至蔣山湖陰先生之居上題詩云北山松粉自飄花白下風輕麥脚斜身似舊時王謝燕一年一度到君家荆公見詩笑曰戲君爲尋常百姓耳

上王正仲詩

有以長句上王正仲一聯云狗監傳新賦鷄
林講近詩

秦少游詩識

秦少游以校勘出爲杭倅至楚酒間有詩云
平生通欠僧房睡准擬如今處處還明月報
責監處州酒好事者以爲詩識

至寶丹

王禹玉詩號至寶丹以多使玃寶如黃金必

以白玉爲對有人強作富貴語云脛脉化成
紅玳瑁眼睛變作碧琉璃晏叔原小詞云舞
低楊柳樓心月歌盡桃花扇底風晁無處云
能作此語定知不住三家村也

醑醑詩

韓村國醑醑詩云平生爲愛此香濃仰面嘗
迎落絮風每恐春歸有餘恨典刑元在酒盃
中山谷最愛荆公扶輿發陽焰窈窕一川花
謂包含數意

文周翰詩

東坡見文周翰詩云不易吟得到個田地此
詩可作兩用

竹詩

王郊竹詩云葉垂千口劍榦聳萬條鎗東坡
曰十條竹竿只一箇葉兒也

雨拳風口

王禹錫與東坡有舊嘗作賀雨詩云打葉雨
拳隨手去吹涼風口逐人來東坡曰十六郎

類言 卷之五十一
作詩怎得如此不入規矩禹錫云醉中所作
他日又呈一軸東坡曰爾復醉耶

老杜家諱

老杜家諱閑而詩中有云翩翩戲蝶閑過慢
又云也愛零霜鬢留歡一夜閑一作當以閑
字爲正臨文恐自不避

郭功父詩

郭功父以詩示東坡先自吟咏聲動左右謂
坡曰此詩幾分坡曰十分詩也祥正驚喜問

之坡曰七分來是讀三分來是詩東坡又云
郭祥正之徒但知有韻底是詩

蔡天啓詩

蔡天啓雲和秦少游詩云願同藉湜輩終老

韓公門

荆公詩句

荆公和人曲歌一句云夕陽到處花偏煖又
代小兒賦花餽詩恨不見之

林逋咏梅

王君卿云疎影橫斜水清淺暗香浮動月黃昏此林逋咏梅然杏與桃李皆可用也坡云可則是杏花桃李不敢承當

蘓子由寄東坡詩

蘇子由奉使朔方寄東坡云誰將家集過幽都每見胡人問大蘓莫把文章動蠻貊恐妨談笑卧江湖

孟郊詩

李希聲曰孟郊詩正如晁錯爲人不爲不佳

所傷者峻直耳作詩如雜劇山谷作詩云如
作雜劇初時布置臨了須打諢方是出場蓋
是讀秦少游詩惡其終篇無所歸也

鷗同一波

荆公云鷗鳥不驚之類如何作語則好 山

谷云鷗同一波

寂齋詩

少游極惡山谷和寂齋詩云志大畧細謹言
蔡州事人少知音者

表德皆連甫

熙寧初荆公用事一時字多以甫押多以園
時語曰表德皆連甫花書盡帶園

獨樂園詩

東坡作溫公獨樂園詩從頭四句已都說盡
云青山在屋上流水在屋下中有五畝園花
木秀而野此便可以圖畫也

詩貴圓熟

謝朓云好詩圓美流轉如彈丸故東坡云中

有清圓句銅丸飛拓彈蓋詩貴圓熟也然圓
熟多失之平易老硬多失之枯乾能不失二
者之間則可與古作者並驅矣

謝師厚詩

山谷云謝師厚詩絕似老杜如倒着衣裳迎
戶外盡呼兒女拜燈前編之老杜詩集無愧
木杪龜趺

東坡爲程筠歸真亭詩云會看千字誅木杪
見龜趺是龜座不應見於木杪也

東坡謝御書詩

孫莘老笑東坡謝賜御書詩云有甚道理後面直說到陝西奏捷

譏米元章

東坡跋米元章所收書云畫地爲餅未必似要令痴兒出饑水又云錦囊玉軸來無趾山谷和云百家傳本畧相似如月行天見諸水又云拙者竊鈎輒折趾皆謂元章患淨潔病又好奪取人畫也

橄欖詩

東坡橄欖詩云紛紛青子落紅鹽橄欖木高
難採以鹽擦本身則其實自落南人誇棗云
比至爾回味時我已甜訖

館中種竹

李公擇種竹館中戲云後人指此竹必云李
文正手植劉貢父笑曰文正不獨能繫筆亦
能種竹耶時有筆工學文正故云

砲車雲

舟人占雲若砲車雲起輒急避之大風倏至也東坡有云今日江頭天色惡砲車雲起風欲作張文潛有云喜連山色閑眉黛愁對江雲起砲車

歐公詩

歐公詩云白髮垂兩鬢黃金腰七環又云萬釘寶帶腰環七劉貢父云永叔這條腰帶幾時道着

旱詩

張文潛旱詩云天邊趙盾益可畏水底武侯
方熟眠詩以爲幾於煬燁右軍也

東坡論詩

東坡云凡人作文字須是筆頭上挽得數萬
斤重方可以言文字也歐公云興來筆力千
金重

沙詩

有人展刺見荆公云詩人龍太初時老兵方
以沙擦銅器公曰可作沙詩太初頃刻誦曰

茫茫黃出塞
渺渺白鋪汀
鳥過風平篆
潮回日射星

嘲王禹玉詩

王禹玉既亡無名子嘲曰太公因被子孫煎
身後無名只有錢
喏喏啞番王介甫
奇奇噉動宋昭宣
嘗言井口難爲戲
獨坐中書不計年
東府近來無土地
便應正受不須權
禹玉家子弟經府指
論是張山人作詩
某平生多作十七
字詩似恁著題詩
某吟不得府尹笑

而遣之

東坡表山谷詩

東坡謝金帶鞍馬表乃四六中送窮文山谷
狸毛筆詩乃篇章中毛穎傳

潘邠老詩

潘邠老詩多犯老杜爲之不已老杜亦難爲
存活使老杜復生則湏共潘十廝炒

詩用麤麤字

東坡自海外回有詩用麤麤字李端叔和曰

再見門生識不識雪髯霜髯兩麤麤有一明
眼人能見人前後世忽一惡少見之其人云
頭上已有剝剝之聲腰間欲作麤麤之勢陳
無已曰我欲和云莫教腰下見麤麤

秦少游口號

呂申公在揚州中秋令秦少游作口號有照
海旌幢秋色裏激天鼓吹月明中之句是夕
却微陰少游別作云自是我公多惠愛却回
秋色作春陰

陳甫之詩話

宋玉屈原

文忠公自稱六一居士王荆公自稱楚老今
詩話舉六一楚老指二宗師也六一云屈原
離騷讀之使人頭悶然摘出一二句反覆味
之與風無異宋玉詩比屈原時有出籃之色
清風明月有常光景如新

楚老云世間好語言已被老杜道盡世間俗
語已被樂天道盡然李贄皇云譬之清風明

月四時常有而光景常新又似不乏也

歐詩如玉燭

楚老云歐詩如玉燭葉致遠曰得非四時皆是和氣滿幅俱同流水乎公曰致遠可謂善鑒裁者惜乎不使歐公生前聞之

王建宮詞

王建宮詞荆公獨愛其樹頭樹底覓殘紅一片西飛一片東自是桃花貪結子錯交人恨五更風

紅消香潤入梅天

王君玉密學有望江南十首自謂謫仙楚者
酷愛其紅消香潤入梅天之句

馮寇二公詩

馮長樂七歲吟治圃詩云已落地花方遣掃
未經霜草莫教鋪仁厚天性全生靈性命已
兆於此寇萊公八歲吟華詩云只有天在上
更無山與齊其師謂萊公父曰賢郎怎不作
宰相

體物賦情

詩家之功全在體物賦情情之所寓惟色色之所比惟花如唐人牡丹詩云紅開西子粧樓晚翠揭麻姑水殿春若移春作秋全是蓮花句林和靖梅花疎影橫斜水清淺暗香浮動月黃昏近似野薔薇也

三韓使人金山詩

熙寧中三韓使人朴寅亮作金山詩其序舊云前後詩人不見山之爲金山云萬疊抱岑天

倚杵一竿斜日水浮金

瀑布詩

徐凝瀑布一條界破青山色誠不如范文正
白虹下澗飲長劍倚天立有僧議徐詩不見
布輒自吟云地軸卷不盡天機長放來此得
形而不得勢何異三韓使人云金山不見金
意外過求之敝也

應制詩

舊史柳公權應制聯句薰風從南來殿閣生

微涼然當畏暑居廣殿南風之來不止微涼
之意新史易曰殿楠生餘涼蓋屈楠叢椽受
風勁快此兩字有功於修詞也

冥搜造極

人心思究經術往往不能致情惟詩冥搜造
極所謂應湏入海求唐人有云句自夜中得
心從天外歸

蓬萊仙

有蓬萊仙者語言極有情致陶隱居云得爲

才鬼猶勝頑仙

改恨作幸字

蕭楚才知溧陽縣時張乖崖作郡一日召食
見公几案有一絕云獨恨太平無一事淮南
閑殺老尚書蕭改恨作幸字公出視稿曰誰
改吾詩左右以實對蕭曰與公全身公功高
位重奸人側目之秋且天下一統公獨恨太
平何也公曰蕭弟一字之師也

西清時話

泰陵挽詞

御制泰陵挽詞五章武帳初籌夜雲輶忽帝
鄉百神陪禹葬三載服堯喪北極聯龍袞西
風拆鴈行空餘千古事續述愧重光姑射仙
期早華胥夢已陳朝廷繫聖母基業付冲人
日轉銅壺影天移玉座春九門笳鼓發悲動
屬車塵眷哲天攸縱神機智獨謀塵流藏寶
閣鎖鑰受降樓風急鵠原晚霜寒鴈宿秋遺
衣今在寢猶想未明求再御中天坐猶思玉

色温瑤堦花自落寶扇影空存重感天倫戚
欽承世及恩欲諧追述志永紹裕陵尊憶開
王邸日曾駐六龍飛玉宇春初永金盤露未
晞荆根方並秀棣萼更交輝今日承基緒追
懷往事非

功謝蕭規恩從隗始

熙寧初張揆侍郎以二府成詩賀王荆公公
和曰功謝蕭規慚漢第恩從隗始詫燕臺陸
農師曰蕭規曹隨高帝論功蕭何第一而請

類言 卷之五十一
從隗始初無恩字公笑曰韓退之闢鷄聯句
感恩慚隗始若無據豈當對功字

憶霖詩

張垂崖少與逸人傅霖同學公既顯達求霖
三十年不可得作憶霖詩云寄與巢由莫相
笑此生終不羨輕肥晚年守花丘有被褐騎
馭叩門大呼曰語尚書青州傅霖來閣吏走
白公曰傅先生天下士汝何人敢呼姓名霖
笑曰別子一世尚爾同心是豈知世間有我

哉公問何昔隱今出霖曰子將去矣來報子
耳曰詠亦自知之霖曰知復何言後一月公
薨

狀元入相

本朝狀頭入相者呂文穆蒙正王文正曾李
文定迪宋元憲庠元憲登庸知制誥石楊體
賀以詩曰坐朝四十三龍首身到黃扉止四
人副樞王伯庸堯曰何不道已四人而特言
止蓋伯庸繼元憲魁天下士然未幾薨于位

自慶曆至今迄未有先多士而後大拜者

杜詩天闕字

杜子美宿龍門詩天闕象緯逼雲卧衣裳冷
荆公云闕當作闕然韋還東都記龍門號雙
闕以與大內對峙若天闕焉此宿龍門詩也
用闕字何疑

霓裳詞

歐公論王建霓裳詞弟子部中留一色聽風
聽水作霓裳以不曉聽風聽水爲恨唐人西

城記云龜茲國王與臣庶知樂者於大山間聽風水聲均節成音後番入中國如伊州涼州甘州皆自龜茲致也此說近之但不及霓裳甘鄭嶠津陽門詩註葉法善引明皇月宮聞樂歸留寫其半會西涼府進婆羅門曲聲調相同乃合二者製霓裳羽衣則知霓裳亦來西域云

荆公得離騷句法

元豐中荆公在金陵東坡自黃州北遷日與

公遊公嘆曰不知更幾百年方有如此人物
以近製示東坡云若積李今縞夜宗桃今炫
晝自屈宋沒世曠千餘年無復離騷句法乃
今見之坡至儀真寄金陵守王勝之詩有云
峯多巧障日邊遠欲浮天公乃撫几曰老夫
平生作詩無此兩句

王君玉詩

王君玉琪秋蓮詩云
垂寒水蠶瘦蜂老露房
空聞角詩云隴鴈下
驚天在水征人相顧月

如霜又有詩云魚寒不食清池釣鷺靜頻驚
小閣綦君玉嘗曰詩家不妨間用俗語尤見
工夫雪未消者俗謂之待伴如云待伴不禁鴛瓦冷羞
明常怯玉鈎斜待伴羞明皆俗語

試館職詩

王仲王欽臣試館職詩云古木陰生白玉堂
長年來此試文章日斜奏罷長楊賦閑拂塵
埃向畫墻王荆公改爲奏賦長楊罷云如此
語健

離合體

藥名詩起自陳亞非也東漢已有離合體至
唐始著藥名之號如張藉江臯歲暮相逢地
黃葉霜前半夏枝子夜吟詩向松桂心中萬
事善君知是也

集句

集句自國初有之至石曼卿以文爲戲然後
大著下第偶成一生不得文章力欲上青雲
未有因聖主不勞千里召嫦娥何惜一枝春

鳳凰詔下雖沾命豺虎叢中也立身啼得血
流無用處着朱騎馬是何人又云年來年去
志求忙爲他人作嫁衣裳仰天大笑出門去
獨對東風舞一場

瘞鶴銘

焦山瘞鶴銘華陽真逸撰歐公云顧况道號
蘓子美詩山陰不見換鵝經京口空傳瘞鶴
銘真作右軍書矣陶隱居外傳隱居號華陽
真人晚號華陽真逸則瘞鶴銘爲隱居不疑

鄭虔不見八哀詩

樹萱錄云杜子美自負其詩鄭虔妻病瘡令
誦予詩虬鬚似太宗色映塞外春瘡鬼自避
此唐末俗子之論虬鬚似太宗乃八哀詩謂
汝陽王璿璿死先於虔而八哀詩乃虔沒後
同輩作則虔不及見此詩明矣

何遜諸人詩賦

何遜詩云薄雲岩際出初月坡中上少陵則
云薄雲岩際出孤月浪中番雖因宿而益妍

玉臺集序金星將婺女爭華麝月與嫦娥競
爽北齊碑云浮雲與嶺松張蓋秋月與岩桂
分叢庾子山馬射賦落花與芝蓋齊飛楊柳
共春旗一色王勃云落霞與孤鶩齊飛秋水
共長天一色薛逢原云原花將晚照爭紅怪
石與寒流共碧

殺風景

李義山雜纂其一曰殺風景謂清泉濯足花
上揮聯背山起樓燒琴煮鶴對花飲茶花下

類詩 卷之五十一
三
喝道晏元獻上荆公 皆用殺風景之語

弔杜子美詩

唐人弔杜子美詩云賦出三都上詩須二雅
求蓋少陵法度遠繼周詩與奴白飯馬青芻
雖不言主人而待奴馬如此主人可知與言
刈其楚言秣其馬言刈其篋言秣其駒同意
又小城萬丈餘大城鉄不如則小城難爲高
大城難爲堅故也正得古人著書互相備意
全用平聲詩

晏元獻謂梅聖俞曰古人章句中全用平聲
製字穩帖如枯桑知天風是也恨未見側字
詩聖俞遂作五側體云月出斷岸口影照別
舸背且獨與婦飲頗勝俗客對

海立

杜少陵九天之雲下垂四海之水皆立東坡
有美堂詩天外黑風吹海立蓋出此

夢中賦詩

張叟熙寧中夢行大空中聞天風海濤聲振

類說卷之五十一
三
林木徐見海中樓闕列瓊琚琅珮數百人揖
亶出紙請賦筆硯皆碧玉也且戒曰此間文
章要似隱起鸞鳳嘗與織女機杼分巧過是
乃人間語耳亶詩曰天風吹散赤城霞染出
連雲萬樹花誤入醉鄉迷去路旁人應笑忘
還家有仙人日子詩佳絕未免近凡酌酒一
盃極甘寒忽覺身墮萬仞山而寤

變成三日雨

宋琪沈義倫俱在黃閣久旱旣雨復不止琪

曰變成三日雨義倫對曰調得一城泥

洞庭詩

洞庭天下壯觀古人詩如水涵人影濶山拔
地形高又四顧疑無地中流忽有山未若孟
浩然氣蒸雲夢澤波動岳陽城至杜子美則
云吳楚東南坼乾坤日夜浮

太白遺篇

李太白遺篇云斷崖如削瓜嵐光破崖綠天
河從中來白雲漲川谷玉案動文字世眼不

可讀攝身凌青霄松風拂我足又云舉袖露
條脫招我飯胡麻

峯頂寺詩

蘄州黃梅縣峯頂寺在水中央環伏萬山曾
阜爲令因事至其上見梁間一榜塵暗粉落
滌拂讀之乃太白詩也夜宿峯頂寺舉手捫
星辰不敢高聲語恐驚天上人世傳楊文公
幼時詩者誤

滕王湛然

歐公錄王建宮詞云內中數日無呼喚傳得
滕王蛺蝶圖有名蓋湛然非元嬰也

池底鋪錦

王建宮詞魚藻宮中鎖翠娥先皇行處不曾
過如今池底休鋪錦菱角鷄頭積漸多李石
開成承詔錄文宗論德宗奢靡云聞得禁中
老宮人每引流泉先於池底鋪錦則知建詩
皆撫實非鑿空語也

虎圖詩

王介甫歐永叔梅聖俞坐上分題賦虎圖介甫先成乃題老杜畫鶻行

後主長短句

南唐後主圍城中作長短句未就而城破櫻桃落盡春歸去蝶番金粉雙飛子規月小樓西曲瓊鈞箔惆悵卷金泥門巷寂寥人去後望殘烟草低迷

方城高士

范謙叔居方城有高士自言昔乃白髮社翁

遇師授以神藥顏如渥丹告歸留詩云莫訝
杖藜歸去早家山閑却一溪雲

三僧詩

僧齊已詩云春深遊寺客花落閉門僧惠崇
云曉風飄磬遠暮雪入廊深閩僧可仁詩云
一鉢卽生涯隨緣度歲華是山皆有寺何處
不爲家

老野狐精

王荆公見東坡醉白堂記云此定是韓白優

劣論東坡曰不若介甫處州學記乃學校策
耳然二公勝處心相傾慕東坡奉祠西太一
見公舊題楊柳鳴蜩綠暗荷花落日紅酣三
十六陂春水白頭想見江南注目久之曰老
野狐精也

皮光業詩

吳越王錢鏐時宰相皮光業有詩云行人折
柳和輕絮飛燕銜泥帶落花衆爭嘆譽裴光
約抗聲曰二句偏枯不工柳當有絮泥或無

花

竹林鳥

少陵七歌云嗚呼四歌兮歌四奏竹林爲我
啼清晝後註詩者更作林猿崇寧間有客自
同州籠一禽大如雀色正青善鳴問其名曰
竹林鳥也

題周陵詩

李邯鄲有題周朝三陵詩恭帝陵云弄耜牽
車挽鼓催不知門外倒戈回荒榛斷壠可三

尺誰道房陵半仗來爲仇家所訐以誣訕得罪

禮部唱和

嘉祐初歐陽永叔王禹玉梅公儀韓子華范景仁同掌春闈有禮部唱和集梅聖俞時爲屬有詩云萬蟻戰酣春晝永五星明處夜堂深舉子戲曰主文自以爲星我輩爲蟻此試官謙德也

呂洞賓

鍾弱翁傳師平涼有方士通謁徒牧童牽黃
犢立庭下弱翁異之指牧童曰道人頗能賦
此乎笑曰不煩我語是兒能之乃大書曰草
鋪橫野六七里笛弄晚風三四聲歸來飽飯
黃昏後不脫蓑衣卧月明旣去郡人見方士
擔兩大瓮長歌出郭迹之不在瓮乃二口豈
洞賓耶

鳳子

朝泥鵝詩鵝兒唼唳雌黃背鳳子輕盈膩粉

腰崔豹古今註云蛺蝶大者爲鳳子

王元之對屬

王禹偁元之父本磨家畢文簡士安爲州從事元之七歲代其父輸頽至公宇立庭下文簡方命諸子屬句云鸚鵡能言寧比鳳元之抗聲曰蜘蛛雖巧不如蚕文簡曰子精神滿腹將且名世其後與公接武朝廷

王荆公詩

王荆公云李漢豈知韓退之緝其文不擇美者

惡不可以示子孫 况垂世乎以此門弟子
意有在焉其文迄無善本如春殘葉密花枝
少睡起茶多酒盞疎吾皇英哲超光武上將
威名得隗囂皆王元之詩也金陵獨酌西江
雪浪來天際寄劉元父翰林放逐蓬萊殿王
君玉詩也臨津艷艷花千樹天末海門橫北
固不知朱戶鎖嬋娟皆王平甫詩也

秋英不比春花落

歐公嘉祐中見王荆公詩黃昏風雨暝園林

類言 卷之二十七
殘菊飄零滿地金笑曰百花盡落獨菊枝上
枯耳因戲曰秋英不比春花落爲報詩人仔
細看荆公聞之曰是豈不知楚詞云飡秋菊
之落英歐陽幾不學之過也

植紅梅

紅梅獨盛於姑蘓晏元獻始移植西岡第中
一日貴游賂園吏得枝分接由是都下有二
本公嘗與客飲花下賦詩曰若更遲開三二
月北人應作杏花看客曰公詩固佳待北俗

何淺耶公笑曰儻父安得不然王君聞盜花
種以詩寄公館娃宮北舊精神粉瘦瓊寒露
盡新園吏無端偷折去鳳城從此有奴身
愛文字飲與俗人沽酒同科

東坡言韓退之詩長安衆富兒盤饌羅羶葷
不解文字飲惟能醉紅裙至云艷姬踏筵舞
清眸射劍戟則知此老個中興復不淺張文
潛戲答曰愛文字飲者與俗人沽酒同科

原父再婚

劉原父敞再婚歐公以二絕戲之曰平生志業有誰先落筆文章海內傳明日都城應紙貴開簾却扇見新篇仙家千載一何長浮世空驚日月忙洞裏新花莫相笑劉郎今是老劉郎原父不悅

王舍人竊柳詩

嘉祐中賞花釣魚王介甫以知制誥預未坐上出詩群臣屬和至介甫日將夕矣亟欲奏御得披香殿字未有對鄭毅夫獬接席曰宜

對太液池敲其詩云披香殿上留朱輦太液池邊送酒盃明日都下盛傳王舍人竊鄭太液波翻披香簾卷介甫頗啣之

東坡戲陳季常畏內

東坡謫黃州與陳慥季常遊季常自以飽禪學而妻柳氏頗悍季常畏之客至或詬罵未已聲達于外東坡因詩戲云誰似龍丘居士賢談空說有夜不眠忽聞河東獅子吼拄杖落手心茫然

碾玉匠南食

葉海致遠有試茶詩云碾成天上龍兼鳳煮
出人間蟹與蝦好事者戲曰此非試茶乃碾
玉匠人嘗南食詩也

彭門題壁

彭門壁上有一聯一鳩鳴午寂雙燕話春晴
東坡曰此唐人得意句

二舉子被執

石曼卿爲館五鼓趨朝見二舉子繫羅舍曼

卿問何事吏云昨日里開有娶婦者二子穴
隙以窺夜分乃被執曼卿力爲釋解口占集
句云司空臨汝汝湏知月下敲門更有誰討
耐一雙窮相眼得便宜是落便宜

生日詩

周邦彥美成上家公生日詩云化行禹貢山
川外人在周公禮樂中

幽谷種花

歐公守滁州命幕客種花琅琊幽谷謝以狀

問名品公書紙尾曰淺深紅白宜相間先後
仍須次第栽我欲四時携酒去莫教一日不
花開

李後主長短句

南唐李後主歸朝後每懷江國且念嬪妾散
落長短句云簾外雨潺潺春意將闌羅衾不耐
五更寒夢裏不知身是客一餉貪歡獨自莫
凭欄無限江山別時容易見時難流水落花
春去也天上人間未幾下世云

歌者囀春鶯

王詵晉卿都尉旣喪蜀國貶均州姬侍盡逐
有歌者號囀春鶯不知流落何許二年從汝
陰道過市樓泣聲甚怨問之乃囀春鶯也得
句云佳人已屬沙叱利義士今無古押衙客
有足成章者其詞云幾年流落向天涯萬里
歸來兩鬢華翠袖香殘空浥淚青樓雲渺定
誰家佳人已屬沙叱利義士今無古押衙回
首音塵兩沉絕春鶯休囀沁園花

魯直詩

黃魯直八歲能詩送人赴舉云送君歸去明
主前若問舊時黃庭堅謫在人間今八年

癩可瘦權

詩僧矩可身被惡疾人號癩可善權亦能詩
人物清癯人目爲瘦權可詩如清霜群木落
盡見西山秋權云谷口未斜日數峯生夕陰
丘氏寄夫詩

朝奉郎丘舜諸女皆能文詞其仲寄夫云簾

裏孤燈覺曉遲，獨眠留得宿粧眉。
珊瑚枕上驚殘夢，認得蕭郎馬過時。

張元

姚嗣宗守
華州狂字

張元天聖間坐累終身託興吟咏

如咏雪詩戰退玉龍三百萬，敗鱗殘甲滿空
飛咏白鷹有心待拾月中兔，故向天邊飛白
雲。崆峒山詩有云踏碎賀蘭石，掃清西海塵。
布衣能辨此，可惜作窮鱗。公曰此人若不收
拾，失一張元矣。因表薦官之。

扈蹕詩

曾子開賦扈蹕詩押辛字往還不已東坡厭之復和云讀罷君詩何所似搗殘姜桂有餘辛顧問客曰解此否謂唱首多辣氣耳

楊鸞詩

世傳歐公掌貢闈舉子問堯舜是幾種事公曰不用使此乃南唐湯悅楊鸞問答見鄭文寶江表志又載鸞詩云白日蒼蠅滿飯盤夜間蚊子又成團每到更深人靜後定來頭上

咬楊鸞

柳枝絳桃

唐詩林云退之侍妾名柳枝絳桃其使王庭
奏有壽陽驛絕句不見園花兼巷柳馬頭惟
有月團團迨歸柳枝竄去又有鎮州初歸詩
別來楊柳街頭樹擺亂東風只欲飛惟有小
桃園裏在留花不發待郎歸自是專屬意絳
桃矣

羅浮仙

近有人遊羅浮留宿岩谷中夜見一人身無
衣而紺毛覆體意必仙也乃再拜問道其人
了不顧長嘯數聲響振林木歌詩云雲來萬
嶺動雲去一天色長嘯兩三聲空山秋月白

內宴詩

張藉寒食內宴朝光瑞氣滿宮樓彩燻魚龍
四面稠廊下御厨分冷食殿前香騎逐飛毬
千官盡醉猶教坐百戲皆呈未放休共喜拜
恩侵夜出金吾不敢問行由乃知唐清明亦

宴百官皆冷食又至夜而罷

處默詩

吳越紀事越僧處默詩有奇句嘗云到江吳地盡隔岸越山多羅隱見曰此我句失之久矣乃爲吳丐得